

義

縣

志

五九四



一	前卷	第
目録書		一冊

13322

目錄書

## 纂集縣志之篇次

志者識也識一邑之事歷代之興替盛衰係焉亦即後世之觀感鑑戒存焉吾邑自漢武立縣迄今民國雖中間名稱數易在漢武時爲參縣無慮之邊地在民國爲義縣以縣始者以縣終而論其事之大則莫先於土地故首冠以圖尾附以記而大綱則始以地輿志有地輿然後有創設故次之以建置志有建置則必有官吏督率而整飭之故次之以職官志官不必備惟其人或文教之旁敷或武事之張弛端賴人爲爲政在人入存政舉國之幸民之福也凡有功德於民文經武緯有美必彰故職官後即次之以宦績志殖邊移民度土居民開墾招民保境安民皆宦績上事也而戶口之關係胥賴是焉故宦績後即次之以戶口志戶口所以覘民數也租稅本人民所担负覘戶口即知人民之担负亦即知人民之財產財產者爲財賦所出在國家在地方無非取之民者還之民以驗登耗以稽盈縮而出納之或減或增行將得知其總額所謂有土此有財有財此有用也故財賦志又次之富而後教古有明言施行教育重在學校但今之學校與古之學校名同而實異教育普及不必專在學校古今異制未可以一律論也故改名曰學制志學制所以造人材而民事正以觀風化無論或爲農商或爲林礦或爲工藝事既屬民則勤惰優劣自有分焉而且民講以禮爲先民化則俗必美更可於

民事覘民之良莠故民事志列學制之次民事與學制並列則前代之由學問而顯揚而光裕今時之從學業而榮貴而參與國是者胥更重也分別記載不加品評故次以選舉志選舉雖志而天地鍾毓類多特尤彪炳旗常胡可沒也其中衣冠之族巾幗之良所以篤彝倫尙名節者亦昭昭在人耳目徵之正史採之鄉評不敢附會直道而行之故人物志又次於選舉人物之表見不盡在文字而間有一二以文字傳者且有以此之文字表彰彼之人物者也故史詳傳贊碑勒事實或吟咏以憑弔或誄輓以紀叙人物之存在大都文藝爲之存在也故人物志下繫之以藝文志有文事必有武備所謂投筆從戎文章可以華國武事正以定太平也故遼軍曰崇義上節度金軍曰崇義下節度明置衛曰指揮曰備禦清則營曰捕盜曰捷勝更有巡警團練名稱民國改併警甲組織民團類皆求治安資保衛之大致也故文藝後又終以武備志至於戎馬奔馳帝王巡幸版圖省併設置變更科名革替割據紛紜自漢迄今史不絕書事猶在耳或爲吾邑之福或爲吾邑之禍或爲吾邑之榮辱或爲吾邑之利害撫今追昔感慨係之矣爰仿編年紀月例以記之俾知古今世變之大相懸殊也故以大事記尾焉

義縣志總目錄

前卷目次

序

義縣知事趙序

義縣知事濮序

義縣縣長孫序

義縣縣長宋序

志書館長薛序

志書館長王序

凡例

總例言

分例言

圖例 地輿志例 建置志例 職官志例 官績志例 戶口志例 財

賦志例 學制志例 民事志例 選舉志例 人物志例 藝文志例

武備志例 大事記例



結例言

創編縣志之原委

附撮影目次

閭山

片十

大凌河

大凌河堤

片四

漢寶林樓

寶林山石門

元魏萬佛堂

片四

元魏萬佛堂山洞石佛

片五

元魏太和碑

元魏景明碑

遼開泰年大佛寺

遼大佛寺殿

遼大佛寺古佛

片七

遼開泰年磚塔

遼天慶年石幢

片四

遼石屏

片二

金明昌碑

片二

元王珣墓誌

明嶺西小屯圈臺

明鐵炮

明熙春東門

明慶豐西門

明永清南門

明安泰北門

明鐘鼓樓

魁星樓

清鐵鼎

魚骨石

八塔山

義縣城內街市

大凌河橋

義縣車站

清李維屏誥命

清王乾吉誥命

義縣政府

上卷之一

圖譜目次

義縣全境圖 義縣全境山脈詳圖 義縣全境河流詳圖 義縣城關街市圖

義縣行政公署圖 義縣審判檢察分庭平面圖 義縣學宮平面圖

義縣教育公所及附設縣志編修館平面圖 義縣警甲及警察一區平面圖

義縣縣立師中學校平面圖

義縣縣立女子師範講習科及附屬第二小學校平面圖

義縣縣立第一小學校平面圖 義縣南關關帝廟平面圖

義縣東南關關帝廟平面圖 義縣區村制第一區圖 義縣區村制第二區圖

義縣區村制第三區圖 義縣區村制第四區圖 義縣區村制第五區圖

義縣區村制第六區圖 義縣區村制第七區圖 義縣區村制第八區圖

義縣清河門鎮圖 義縣稍戶營鎮圖 義縣石佛堡集圖 義縣劉龍溝集圖

義縣劉龍台集圖 義縣沈家台集圖 義縣班吉塔集圖 義縣劉温屯集圖

中卷之一

地輿志目次

沿革 疆域 山川 田畝 物產 星野

中卷之二

建置志上目次

城池

堆子房 街道 市 廠 鎮 集

公署

歷代公署 民國公署

古蹟

城 堡 關 門 驛 所 學 樓 台 亭 鋪 州 縣 寺 塔 鎮 衛

洞 鼎 石 屏 坊 第 墓 誌 陵 墳 墓 府 第

中卷之三

建置志下目次

典祀 文廟

武廟

寺 觀 菴 廟 宮 殿 司 堂 壇 祠

中卷之四

職官志目次

歷代文武官

漢 東 漢 三 國 魏 晉 東 晉 北 魏 北 齊 隋 唐 遼 金 元 明 清

民國職官

中卷之五

宦績志目次

歷代宦績

漢 東 漢 三 國 魏 晉 北 魏 北 齊 隋 唐 遼 金 元 明 清

民國宦績

中卷之六



戶口志目次

歷代戶口

遼 金 元 明 清

民國戶口

區村制人口數  
公安全境戶數

警察普通寺廟戶口數

中卷之七

財賦志目次

歷代

收入 支出

民國國家

歲入 歲出

地方

歲入 歲出

中卷之八

學制志目次

歷代學制

東晉 元魏 遼 金 元 明 清

民國學制

中卷之九

民事志目次

禮俗

附語言 文字

實業

農商會 長附表

中卷之十

選舉志上目次

詔舉

北朝 魏

疏薦

明 清

文武科第

遼 金 明 清

封蔭

金 元 明 清

孝廉方正

清

議員

清

本州議叅董三會各員

清

前卷(一) 目錄書目次

前卷(一) 目錄書目次

4

中卷之十一

選舉志下目次

仕籍 歷代 民國 議員 國 鄉耆 國 俊士 國 各國學校畢業 日法 俄美 民國各學校

畢業 自中學以上或與中學同等

中卷之十二

人物志目次

氏族 列傳 賢哲 孝悌 義夫 儒林 書法 畫 慈善 流寓 方伎

隱逸 釋道 耆碩 壽婦 列女 烈婦 節婦 貞女 孝女 賢淑

中卷之十三

藝文志上目次

誥 勅 詔 諭 訓 策令 褒揚 告示 表 諫言 疏 奏 議 檄

序 叙

中卷之十四

藝文志中目次

碑

中卷之十五

藝文志下目次

詩賦銘聯制藝贊行述書簡文引墓誌墓表記  
集辭歌傳跋論策說啓著述

中卷之十六

武備志目次

歷代軍制兵事

遼金元  
明清

民國軍制

歷代兵事

晉遼金  
元明清

民國兵事

下卷記次

下卷之一

大事記目次

歷代

秦漢  
北朝齊

東漢  
北朝周

蜀漢  
隋

三國魏  
五代唐  
晉

東晉  
五代晉

北朝魏  
五代漢

北朝東魏  
遼金

北朝西魏  
元明

清 民國

後卷之一

附誌目次

地圖刊誤表

義縣創編縣志人員表

義縣志參考引用書籍表

附發出捐募印刷縣志公啓人名冊

附收入捐助印刷縣志款項人名冊

附收入捐助印刷縣志款項村名冊

附發出縣志部數底冊

其二

其三

附遼寧省暫行新建設

附創編縣志簡章

附義縣志書館採訪說明書

附義縣志書館原擬登報底稿

附義縣志書館致諸鄉先生公函

附諸鄉先生覆志書館公函

附義縣志書館印刷志書募捐公啓

其二

附義縣志書館致諸鄉先生謝函

附義縣縣志館募捐公啓

附祈方家評語刊弁書首用荷光榮啓

附義縣略歷及編縣志經過概史

附致十區各村長副公啓

附縣長館長來往公函附

附義縣志跋

其二

其三

其四

義縣志總目錄終

# 義縣志序

自王東陽作方域志

方域志宋東陽  
布衣王希先撰

李吉甫撰郡縣志世謂執此可以治天下嗣是各縣幾

莫不有志蓋縣志也者記註詳則防範存指畫明則方略具名實符則法戒昭上之可以補國史下之可以備鄉評遠之可以徵世故近之可以驗時趨所以宰邑者欲言治先言志治者志之用志者治之體視其興革察其可否鏡其利弊有治而後有志實有志而後有治志顧可緩乎哉予丙寅夏攝義篆見公署煥然裴任建築未竟而遷遼齊任踵竣其事予來又稍加修葺添建法庭始竟全功河隄之役裴任經始齊任繼之予成厥終而歲修妥備犯城之水患庶可小弭竊謂修葺所以整公廨而壯觀瞻修隄所以防河溢而衛城垣皆一時一事之繫念求其備叅稽資則效上以彰往下以示來俾治法治人一垂千古孰有如縣志者而義獨無查義於古屬顛頊之墟南望海濱北枕沙漠左負閭鎮右引凌川都於此者則慕容氏畋於此者則東丹王駐蹕於此者則金世宗滿太宗清高宗其他生於此者或爲仕或爲隱或爲忠節或爲孝義或爲貞烈官於此者或爲清或爲廉或能興利或能剔弊或提興教育以養才或整頓警甲以衛民以及事事物物國計民生得失變遷政治之因革人文之蔚起非不足以由今溯昔勒爲成書著一方之憲典作百世之儀型然縣志非易言而創始編輯尤非易著也從事

之人學或未粹才或鮮通識或稍迂則附會穿鑿鄙俚荒蕪之病紛然雜呈將何以徵信而垂久禍棗災梨徒貽非笑亦烏貴有此志乘哉余乃審慎詢謀延聘編輯設館興事期底於成王編輯子笙承其先德允升太史手澤積學藏書居今稽古以著述知名

漢之逸

王逸著漢書二十三篇

晉之隱

王隱著晉書九十餘卷

隋之通

王通著中說等書

宋之沿

王沿著唐志二十一卷

也秉筆洵有淵源李

編輯兩忱文章精湛書史宏通蓋其生平鑽研典籍多有心得而經世之書彌所酷嗜

方之道傳

李道傳著書月戶修四朝帝紀十三朝會要

學遜

李學遜博學洽聞著易精中星儀象等圖

殆無愧色於是僉推薛孝廉芑汀爲之

長遂委張教育所長一忱經理之予於斯道略辨塗徑際茲全志告成披閱一周體例嚴慎採錄詳明上起古下訖今凡所記載純從人民起見爲民即以爲國而爲治之道寓焉輿圖之精繪新政之旁搜博集羅列無遺志地輿人民之所處也志建置人民之所爲也志職官人民之所愛戴也志宦績人民之所歌頌也志戶口人民之所生聚也志財賦人民之所輸納也志學制所以教化人民也志民事所以觀察人民也志選舉所以拔乎人民者也志人物所以表乎人民者也志藝文示人民以可經也志武備示人民以可衛也至於記大事有鑒於前有倣於後凡以爲人民也爲治之道盡在志矣後之隸是土宰是邦者覩地輿志則思經劃以盡利覩建置志則思整飭以永休覩職官志則思有以慎職守覩宦績志則思有以樹績功覩戶口志則思以安懷爲御衆之

方觀財賦志則思以節制爲裕民之道觀學制志則思何以興養立教造就人才觀民事志則思何以戒惰使勤轉移風化觀選舉志則思有以慎重掄才觀人物志則思有以提倡徵賢觀藝文志則思考言以求行觀武備志則思設險以守土觀大事記則思萬端之變動千事之因易今昔同歸或關乎天或關乎地或關乎人或關乎人前事皆後事之師取法而因應之治道其庶幾乎於以嘆此志一成予之素願畢矣以視修署修隄當爲三不朽而縣志或不翼而飛不脛而走行且傳觀中外修署修隄之事將藉此而馳聞遐邇尤祝我義後來之秀聞風興起就王李兩君已成之書修飾潤色補綴增續發揚而光大之又予之所厚望者是不可以不序中華民國十七年一月義縣知事趙興德述

Blank page with vertical lines.



# 義縣志序

古者有六史

太史小史內史  
外史左史右史

太史掌國之六典小史掌邦國之志志之名所由起然志之名

雖見於周禮而邦國之紀載以志稱者僅有鄭志其書在周秦之際已不傳而列國之

志其名稱不一

如楚書晉乘吳  
越春秋之類

自封建夷爲郡縣其紀一郡一縣之事者始多以志名是志

之名自郡縣而始著也

如二十四史內  
之志不在此例

義縣建制甚早而縣志久付缺如前任趙君子馨始

援各縣之成例而創爲之推薛君芾汀爲館長王君子笙李君兩忱爲編輯薛君去位

王君代之斯志之成以王李兩君之力爲最多分爲五卷十二綱若干目冠以圖譜終

以大事記探遼金元明四史及盛京通志錦州府志爲之主探遜清以前各縣舊志民

國建元以來各縣新志凡有關於義縣之文獻者悉採輯之王李兩君用力之勤搜探

之博如此昔王劭著齊志爲劉知幾所稱美李氏自柱下史即爲掌邦國之志者王李

二君之於縣志蓋能承其宗風而繼述其盛者也建元十八年十一月余權義篆王君

來謁出縣志全稿兩函凡二十五冊請爲審定並集資印行余受而閱之喜其用力之

勤也搜探之博也一縣之文獻賴以不朽余甫任事樂觀其成得附於監修之列何幸

如之故樂叙其沿起並爲集資印行庶以垂久遠焉中華民國建元十有九年三月知

義縣事溧水濮良至序

職之甚優矣其言誠愛其國者得計以入世道中樂以相進其言其意皆曰臣

惟此身之費身一職之任雖微不亦余所計耶其言誠愛其國者得計以入世道中樂以相進其言其意皆曰臣

惟此身之費身一職之任雖微不亦余所計耶其言誠愛其國者得計以入世道中樂以相進其言其意皆曰臣

惟此身之費身一職之任雖微不亦余所計耶其言誠愛其國者得計以入世道中樂以相進其言其意皆曰臣

惟此身之費身一職之任雖微不亦余所計耶其言誠愛其國者得計以入世道中樂以相進其言其意皆曰臣

惟此身之費身一職之任雖微不亦余所計耶其言誠愛其國者得計以入世道中樂以相進其言其意皆曰臣

惟此身之費身一職之任雖微不亦余所計耶其言誠愛其國者得計以入世道中樂以相進其言其意皆曰臣

惟此身之費身一職之任雖微不亦余所計耶其言誠愛其國者得計以入世道中樂以相進其言其意皆曰臣

惟此身之費身一職之任雖微不亦余所計耶其言誠愛其國者得計以入世道中樂以相進其言其意皆曰臣

惟此身之費身一職之任雖微不亦余所計耶其言誠愛其國者得計以入世道中樂以相進其言其意皆曰臣

惟此身之費身一職之任雖微不亦余所計耶其言誠愛其國者得計以入世道中樂以相進其言其意皆曰臣

惟此身之費身一職之任雖微不亦余所計耶其言誠愛其國者得計以入世道中樂以相進其言其意皆曰臣

惟此身之費身一職之任雖微不亦余所計耶其言誠愛其國者得計以入世道中樂以相進其言其意皆曰臣

# 義縣志序

周官土訓詔地圖通訓道方志司徒掌土均司險達道路保章辨封域皆摠其成於冢宰所以觀事知俗攷物別慝而明六典之盛漢時計書上於太史郡國地志固亦在焉典午以還史失其守郡邑文獻遂以無徵元和吉甫稱於李唐太平樂史創於天水已爲星風實括瀛寰潘岳關中王範交廣華陽士女荆楚風土偏采雜綜無關宏旨迨夫朱明武功朝邑椎輪乍啓膾炙至今體例簡疏實未足與著述之林也清代則古垂意職方邑乘官書燦焉足述亭林開先靈壽踵武孫洪養一胥爲通儒錢武金壇咸精小學實齋章氏擅三長之才成一家之說發凡起例引古通今縣志之例嚴而體始尊矣顧以幅幘廣莫單壤遐陬輜軒未臨傳載或闕焉義邑於古爲顓頊之虛在漢則絜及無慮之縣水環凌河之浸山分巫閭之支慕容氏之故都東丹王之蒐圃翠華所駐史冊猶詳州衛迭更建置最古而志乘不備典型蔑如舉封域沿革建置興廢武備政事之紀忠孝友弟貞節循吏名賢之行版籍毀存選舉齊禮風俗之數祠墓遺跡詩文謠詠之體關梁山險之所傍川流纏緯之所經久而易湮曠焉莫考其何以揆古觀今達情諭道也哉黑山趙君子馨來宰斯邦乃議創修聘薛君茆汀王君子笙李君雨臣任其事民國十六年四月設館纂集翌年七月告成分爲五卷十二綱若干目冠以圖譜

終以大事記皆王君編訂條目始終其事也義故無志歎其搜探之難用力之勤王君  
序例言之詳矣予維志書之弊厥有數端排比無次則同於胥吏之爲雅贍自矜則悖  
於方志之義或緣飾以失實不足以勸懲或泥古而昧今不足以通變今此編綱舉而  
目張因時以制宜章顯闡幽拾遺補藝足以化民成俗茹古涵今而圖表之列師會稽  
之義大事之紀類洛下之篇盛京通志之後猶有遺珍溫氏鄉土之志匪爲祕笈者已  
中華民國十九年十月義縣縣長孫維善序

# 義縣志叙

郡邑之有志猶國之有史家之有乘也國無史則政治施行異世無從而考之家無乘則世代源流後人莫得而識之若一郡一邑其封域之沿革山川之夷險人民之文野戶口之多寡物產之豐嗇財賦之盈絀胥賴有簡策以載之而後可以垂久遠而昭法戒非然者情遷境過文獻無徵後之人欲考前聞而不得如入暗室罔識晨昏如墮幽谷莫辨西東將何以考古證今藉謀人事之進展乎義邑地屬邊徼而開化較早在三代以前屬顓頊之墟以後或屬冀州或屬幽州或屬營州至漢而始設縣治曰無慮又時而易爲州時而易爲衛變置不一而均無書以誌其梗概致考古者流連慨歎摩挲往蹟而不知何代何年不過憑虛想像一寄弔古之懷耳民國十九年秋予捧檄來攝義篆下車後於山見鑿巫閭之高於水見大凌河之深南望渤海北顧柳邊關河險阻形勝天然因憶及慕容氏之建置東丹王之遊畋霸業雄圖於今銷歇而金世宗清高宗之出狩餘韻流風亦邈焉莫覩使當時書方書策紀載甚詳則披覽遺編如覩陳迹非特六龍巡幸可考其遊蹤即當年之若何殖人民若何固封疆若何勤內政重外交凡圖富圖強之策罔不載之篇章以資借鏡而取法焉夫蕭何入關首取贏秦圖籍吉甫參政特詳郡邑志書古之人無不措意於斯况義屬彈丸荒僻之區禹貢不詳輜軒

不採山川風物寂寞無聞使無邑乘以紀其概畧則後之居斯土者引領前朝追懷往事訪父老而傳聞不確考碑碣而紀述失真豈非憾事乎乃當予視事之初縣志館長王君子笙來謁談次出所編縣志稿兩函披閱一再見其採訪之精纂述之詳體例嚴明猶其餘事更悉襄是役者前有薛君芑汀任館長編輯一席子笙與李君雨忱實任其勞芑汀去子笙繼之因恍然於是編之修訂前任趙公子馨菴其始中經濮公青蓀孫公乃剛董其成予後至適值功竣因亟謀付梓以竟斯役望閱是編者油然動其愛鄉土之思而予亦奉爲出治之南鍼焉是爲序

中華民國二十年春三月臨溟宋德謙謹識

義縣志序

俊升 行年七十有七得際右文之世而觀縣志於成亦一大快事也而又有吾邑進士

敖蕙軒吉林任用縣知事趙椿葛兩先生前後為輔翼於時編輯兩席若李兆澤甫雨

忱俊升之契晚也清季膺城廂議事會議長選措置咸宜言論悉當其精撰述善詞章

素有聲望為吾邑許趙縣長往聘之獻翻縣志儼李兆洛 駢體文抄三十一卷李申著五種鳳臺縣志歷史紀元編三卷清朝地輿韻編附輿

圖一卷皆兆洛著 之第二也王子笙名鶴齡世家子系出山左籍隸古宜俊升之世誼也其先祖允

升太史公以詩 有元亭詩集二卷 受知於清高宗乃祖魁芳先生遺有五代十國五胡十六國紀

年事略 二卷 子笙則著有鄉土紀聞稿一卷說者謂當與王昌齡 唐江寧人開元十五年進士有集五卷 王龜齡 宋樂

清人紹興中廷對高宗聖擢為第一有梅溪集朱文公為之序 相仲伯也俊升曰非也乃著述世及者今因縣長聘同李君與縣

志之修俊升竊祝編縣志之得人及披閱全志共訂六卷首卷縣志攝影前卷縣志目

錄書上卷縣志繪圖中卷縣志綱目細則下卷縣志大事記後卷縣志刊誤表規定格

式創列目次廣求故實皆出自子笙手所有兩君考據延徵陳述蒐集誠可謂煞費苦

心求其詳且盡矣質諸監修諒亦云然書將付刊子笙又為之跋觀其叙事知前此且

有温君鄉土志之作然而事未竟稿本散失片紙隻字莫可尋跡殊堪驚惜今日縣志

之成遂為創始特天假之年天造之緣俾俊升得襄此盛舉也夫敢序數言用為吾邑

義縣志序

前卷(一)目錄書序

人士告

中華民國十七年一月書於義縣志書館薛俊升



# 義縣志序

戊辰之春修志時期既已屆滿按全志計綜核所編未及半數鶴雖夜日黽爲書難旦夕告竣愧弗勝任或貽之咎於時同人勸勉監修慰留仍膺編輯之責且晉總纂之席然而撫躬自問忝列青衿信手粗編恐污素簡此後責無旁貸任有專司慙慙兢兢競業業據事屬辭文莫猶於司馬直書徵信筆且慕乎董孤發幽德而闡潛光不敢厭煩原非圖報秉虛懷而徵實事雖憑博採仍俟刪繁諸同事之薦推常思不負賢有司之屬望尤冀相符信疑傳疑僅克編摩於歲月筆則筆削則削敢言褒貶於春秋俯塵後哲之觀期作古宜之鑑所纂義志目錄書一卷志一卷大事記一卷附誌一卷附撮影一卷通計六卷凡若干言謹繕寫裝潢成若干冊誠惶誠恐念茲釋茲忘貽羞於大雅希指謬於鄉賢

中華民國十七年三月王鶴齡謹識

中華與國寸寸學三日

大原在

一

二

三

四

五

六

七

八

九

義縣志凡例弁言

縣志之凡例何為而作也所為記者一序之預定其梗概閱者一覽焉盡窺其底蘊而

作也蓋何者貴統括何者宜總計何者沿成規何者造創則無不當臚列於篇而况縣

志也者通省志之基礎通國志之胚胎如為山然九仞之高功始一簣若積水然深淵

之匯源起點泉所以有明武功康對山著三卷朝邑韓邦靖著二卷兩縣志最著名於世繼美者厥惟清靈

壽縣志陸隴其字稼書著十卷至雅瞻有法則涇縣淳化洪亮吉字雅存著三水孫星衍字淵如著朝邑錢坫字獻之著嘉定人經

史學偃師安陽武億字虛谷著富順殷玉裁字懋堂著起永清天門章學誠字實齋著鳳臺李兆洛字申者著等

縣志見光緒元年張之洞記膾炙人口其凡例大都一發一起間標題精當揭示純晰為國志省志

所取裁浥注而矜式後之人乃豔稱其縣志而盛傳其縣志也凡例顧不重哉言及此

凡例一門不更當注意加詳俾披覽斯志者一目了然易於查察便於擇取或詳或略

或合或分或繁或簡或寬而非濫或嚴而非苛須於凡例兆之抱忠厚謹厲之旨掃艱

深鄙穢之言黜荒誕奇表之件文期共喻事必可稽十有二月之功夫集篇成帙四十

又三則之凡例逐件分條計立邑之久則已逾二千餘年過時之事端迄今方庶幾具

矣按殖地之基則容有七百餘里累朝之勝迹得此或實式憑焉鶴等才謝宏通學慚

淹貫識愧灼明幸際右文之世獲尙論於先民敢云稽古之勤遠希風於作者黽勉從

事凡例既成爰書於左以貢觀者

鶴謹識

*[The main body of the page contains multiple vertical columns of text that are extremely faint and illegible due to fading or bleed-through from the reverse side of the paper.]*

# 義縣志凡例

## 總例言

(一) 本志各綱題某志第幾如題地輿志第一建置志第二之類各目則冠以弁言如地輿志沿革弁言建置志城池弁言之類取便翻

閱先窺其大概非敢襲鋪張頌揚之習在質直以清眉目而已

(二) 本志綱目

明無錫縣元由縣升州明由州降縣與吾邑由縣爲州由州改縣相似故引用志四卷四大綱二十三日

之取法

孟傳鑄趙州志十綱十三目綱有序言目無未竟孫傳杖重修分六

網四十二目依類增補各目序言本志仿之改序爲弁言免與前序犯複

分綱列目仿無錫及趙州兩志之舊例參以近世之

事迹孰應爲綱綱則統乎目目則系乎綱又增益變通於其間俾前

不泥古後不背今爲第一要旨

(一) 義自漢初爲縣以後越遼金元明爲軍爲衛迄清雍正十二年始爲州軍事區

域易爲民政範圍歷一百七十九年

內計雍正二年乾隆六十年嘉慶二十五年道光三十年咸豐十一年同治十三年光緒三十四年宣統三年民國一年

改州爲縣至今民國又十六年矣歷年雖多而記事無書本志搜羅故籍既散

失無存查考遺蹤亦摧殘殆盡事屬乾隆四十八年

事附見盛京通志

以後民國十五年

以前必無疏漏斯未能信凡以待繼起之有功見憑籍之有自抑亦足矣

(一) 國體既更重在民治本志十二綱九十七目若干細則有因有創有更有正有

他志冠首而本志附屬

如聖製天章詔命語勅概收入藝文

者有本志特有而他志皆無

綱如民事目如大總統大元帥

題者有本志與他志變通科第則文起翰林志及循生武起進士及武生封廕則封附命婦廕附世襲者有本志較他志添益選舉

如議長議員學校畢業職官如司法區所長戶口如僧道喇嘛尼姑者因時制宜雖間有剽竊他志之處取法也非敢妄為增減

也

(一) 民國成立十有六載百度維新大綱小紀亟宜詳記以資遵守惟憲法尚未通行頒布全國無從折衷即新法一切機關均按現在登其名目非掛漏也變遷莫決於此時補闕即期諸來者不能無厚望也

(二) 志須詳慎清顧炎武在永平或屬為府志炎武謝之曰郭造卿在戚將軍幕府搜羅天下書志略備蓋十年而成燕史而今無其時故也是編十六閱月因係草創之初原不敢苟為率陋况財政廳訓令又有詳備不可罅漏等語第文獻無徵但憑延訪聞知有限闕略殊多或不如亭林所謂取成於數月之內者補苴遺缺以俟將來續而成之殆易於創焉

分例言

圖例

(一) 輿圖為當世所注重以縣境全圖為主腦其他各圖副之本館繪圖員出稿分由各區長招集各村長副等按稿填注所屬大小村屯名稱方向距離

某屯若干里

某屯至城若干里 務求無錯誤爲要其山脈川流縣鄉各道縣道三丈六尺 鄉道二丈四尺以及諸校址警甲

並區長駐所郵政電話常關徵收等局事關興學衛民自治交通國稅填注更

求詳明俾無忽漏以重志例而又以測量局繪印義縣全境圖係借自李俊長科長秘藏爲指

南藍本雖不敢謂無疵則亦庶乎近焉

### 地輿志例

(一)地輿名志援用宋吳淑吳淑事類賦內注地輿部二十六卷清李兆洛李兆洛輿圖附載地輿韻編一卷蔡壽祺蔡壽祺策學總纂大成分地輿一卷

張甦卿張甦卿羣策匯源載地輿一卷等定名之例他志多沿用地輿地理係舊稱對於天文今不言天或輿

地坤輿本志取並兼二稱故從地輿等名本志獨不然非好奇也有所取法識者諒之

(二)地志惟沿革最要也休寧戴震曰地志沿革不明則山川人物無一不誤義縣自唐虞以迄民國爲冀界爲幽界

爲燕爲營州界或屬遼西或屬遼東或屬營州或隸中京道或隸大寧路或置

衛或置州或置縣因易之殊糾紛已極本志按盛京通志爲標又復考稽書史

博覽羣籍據古證今不厭求詳恐有誤也遵經學 戴震

(一)疆域之志明清以前無考明義州廣寧後屯兩衛之疆域爲顯祖禹疆域紀要可據清城守及州轄疆域又各不同盛京通志分詳焉本志考察鄰縣

新舊各志藉以證分遼金元三朝吾邑節鎮州牧遼金設節鎮元改設知州之守土竝歷述明

義州衛廣寧後屯衛清城守尉所設衛州及城守知州各轄境至民國則就縣治區村制所劃

各緣邊鄰縣界境爲標的復囑由採訪者實地親歷報告而後志也事關守土重要不敢率爾着筆

(一)山川爲地志所尤重鄭樵曰郡縣有時而更山川千古不易故禹貢以山川定疆界縣境山川盤錯東西多山分主脈支脈有無林業出產及

礦產北一帶多川分源流台流溢流爲害爲利吾邑除清細等河外大凌河實爲患前知事裴發起鑿堤之舉詳官績興丁倡辦事未竟去任繼爲齊子靜公迨趙知事子馨署義篆丁告竣係

甚大名山之來脈如閭山十分之四屬義界而大牽馬嶺與閭山相接詳山川目巨川之來源如大凌河小凌河之入義界實由邊外詳山川目大小凌河考探索

求詳旁及鄰境其餘或一山一川則按盛京通志所載參以採訪增益而證實

之

(二)田畝地之麗百穀者易曰百穀草木麗乎土義縣田畝名目綦繁考盛京通志乾隆四十五

年以前所有州署民地原額新增實在紀數目極詳至尉署旗地則官莊隨缺

伍田等各項隸屬紛紜其在尉署管界者列入州署所治與尉署所轄廣狹不

一殊有難稽本志就盛京通志暨旗署歸併民署田冊之可稽者書其大概而

於民國三年劃一田賦後按其等則分別臚列務求詳悉縣志編於民國十六

年田畝之數自應以十五年爲斷

(三)物產出乎地者近今地輿專著有出產圖某地產某物物名地名並注是物不

能離地而言產地亦不能舍產而言物也他志或入食貨或入風土或入田賦



或專志一門宣化新民社縣志究不若入地輿如趙州安澤入輿地臨潁入方輿之爲得也見其物即知

其地地道不地道於此分焉博物與地理將兩有裨益而借助區爲動植礦三則惟於吾邑各物產

特異之品順序之中務標明於該物後俾樹畜者判其庸奇製造者董其精粗

於工商營業黎民日用或有補焉是本志之意也

(一) 星野志地輿之末本志又加案聲明已寓不刪之刪之大意非故違制也盛京通志專列

星土安澤直入輿地宣化直入地理錦縣附地理沿革存古也

### 建置志例

(一) 建置名志沿仿清盛京黑龍江兩通志並浙江廣東阮元廣西謝啓昆湖北章學誠四通

志及嘉興府伊湯等廣德州周廣業等兼各縣志名列書籍表不贅說之善本成例取法乎上非

狃故也

(一) 城池列建置之首從黑省通志許趙二州志臨宣安三縣志公例黑龍江通志許州趙州志臨潁宣化

安澤志也不專立志盛京通志祁縣志專志城池仿古史省筆法且以公署繼之交通財政機關次

之清真寺天主耶穌兩教堂古蹟倉廩又次之典祀以典祀標目依餘姚志例尤以民國通令有司春秋致祭者爲主不在祀典者

均附後庶以類相從便於翻閱即繩以秩宗典禮亦不至漫無限制他志多用祠祀本志獨否防與附後祠觀字混獨後示坐鎮也如行軍然先鋒在前老帥在後以資坐鎮藉表崇孔

關岳之大典以符民國體例若本志所以載天主堂則從兪樾修同治上海縣

志其回教清真寺天主耶穌教堂並及之復採錄教規而附焉以各存其宗旨  
又從錦縣瀋陽縣兩志例也

### 職官志例

(一)職官名志根據清盛京通志若製表之式則依清黑龍江通志例執兩用中仿  
舊從新是化裁推行之一道也未敢拘

(二)文武職官而遼而金而元明俱從翻閱四代史擇是列入清則以盛京通志爲  
底本乾隆四十八年以後皆係新增考碑匾諮鄉耆極力搜檢後先失序並或  
遺漏寧認其咎曷敢一有妄參言刑造周禮鄉刑七  
曰造言之刑史闕文志其尤也延訪以冀  
完全蓋亦後起之責本志所讓能由讓功非矯矯也

(一)民國之職官一縣之區域分行政司法兩部本志准此凡屬行政者附於行政  
官後屬於司法者附於司法官後若電報郵政常關徵收各局長則分目另列  
註明隸屬胥遵仿奉天職員錄也

### 宦績志例

(一)宦績名志依錦縣志因清各省志概曰名宦不曰宦績府州縣志亦多沿稱名宦似僭也或  
附官績於職官末本志特立一綱曰宦績以表彰之彰往即以開來之特例直

若樹一宦績大職俾身受者知頌德耳聞者將歌功顯以揚舊令之政治隱以

承新令之典型相觀而善邑多一賢有司即省屬增一能官吏亦即國家得一仁人牧也秉筆者所由企而望之冀以再志爲盼

(一)宦績一門本邑向無志可稽公署案卷又幾經兵燹莫可查求僅就各史及盛京通志內載係屬吾邑宦績並按去思德政各碑耆年書吏所能口述實在者悉爲之志明知湮沒不少事實未詳寧付闕如何容臆造而又不志現任志例如是亦所以杜貢諛之漸

(一)吾邑原屬參縣及無慮縣之邊地未聞設官有無宦績實難查考至遼始定名宜州設崇義軍節度使則宦績自崇義軍節度使始例如錦州曰臨海軍節度使庶爲有據次及金元明清連類志之

### 戶口志例

(一)戶口名志依照清盛京通志例及錦縣志略式另立志一黑龍江通志附於戶籍有志宜然臨瀕志則屬於賦役若他志多不詳及似未開民爲邦本民爲貴竟忘本而失貴也蓋本周官秋官司民掌登萬民之數異其男女登下其死生三年大比以民數詔司寇獻王登天府登民數之宗旨及

宋包孝肅奏云臣聞蚩蚩生聚番恩殺耗一出於時政之所陶冶等語蚩蚩生聚之奏議而特於戶口加鄭重焉國以

民爲本民以戶口爲先另爲之志理有固然豈好事哉

(一)自清察哈爾王睦果爾額哲編旗駐義州彼時戶口概屬其部衆後因叛康熙十四年移其部

衆駐牧宣大邊城外

設城守及佐領等官各附有旗丁滿蒙漢軍之戶口遂蕃衍焉嗣經

撥民招民始有漢族回族亦此時後先隸籍乃製某社某甲之區分册按年次

編審今五族一家統曰戶口各若干數即照各區現行戶口册錄之至於基督

天主兩教民起於清光緒間戶口應各由該教函報僧道尼姑各有住持廟宇

則由各廟報稱戶口若干或由該區警察查報喇嘛係城北舊陵廟居住又寓

城內其戶口若干亦詳列焉

### 財賦志例

(一)財賦名志一循宣化卷六新民卷四志例

盛京通志三通考臨江鄉七志皆曰田賦未係以財安澤祁縣亦曰田賦不惟未言財且未專立志許州曰籍賦臨穎曰賦役又未

冠以財黑龍江通志並錦縣志都志財政不及賦

蓋一縣之地財不能外賦賦不能離財財賦為一志則國家

之收入人民之担負瞭如指掌較單言賦單言財似或有當而且施行於一縣

用財賦字田賦不如財賦包括項多差強用財政省志因有財政機關用之唯當縣則否故從宣化新民財賦志

(二)財賦之舊例各存其目知者註之不知者闕之所以根究立法之良否行法之

利弊故凡新舊各屬財賦者遼金元明清各款不易賅也而分為收入支出民

國則以國家地方兩宗款括之而區為歲入歲出寓繁於簡之法也

### 學制志例

(一) 學制名志分上下卷示有區也仿依宣化

查清盛京通志及各州縣舊志統曰學校宜於古也黑龍江通志並錦縣新民各志則均曰教育宜於今也案

學校與今之學校名犯復教育又不可概古之學

上卷志歷代立學始末並志關於立學之制度下卷自維新

興學起連類以迄新學規制故本志既不曰學校又不曰教育酌核包捨今昔之學而以制字賅之遂從宣化學制志例

(一) 昔之立學不及女子此女子無才便是德之舊見也今之立學分男女校並促進行且俱附有師範造就人材之原質胥將由學校產出也故詳細志之及中小國民各校或為基人之資格或為庸人之知識關係尤重世界各國大抵以學校規文明與否及優劣強弱本志於邑之學校並學務注意考求逐事登載所為重興學仿宣化志例也

### 民事志例

(一) 民事名志內分二目曰禮俗民之禮俗也曰實業民之實業也故以民事概之

藉示不可緩孟曰民事不可緩也之義夫大曰政小曰事古有明言彼東西漢會要有民政

一門新修新疆圖志亦有民政志一為國史一為省志概曰民政本志祇述一

縣之民政故不敢從其大者曰政僅從其小者曰事非敢干易稱之愆實懼啓

僭分之漸他縣志多未志此本志實有望於貧樂富好禮而化行俗美且振興

實業舊爲禮義之邦今進文明之俗而實業將駕環球上風俗日純營業日盛庶幾從民事志卜之

(一) 禮俗關乎政治禮俗之隆污又以知政治之得失焉義邑文物修明民風敦睦醇良之習匪今斯今故考盛京通志所載本邑清初舊俗證以近時習尚分按冠婚喪祭附以四民概要一歲實錄略仿畿輔通志例並上溯遼金元明以及契丹遼原號女貞金原號百濟百濟略高麗高麗寇渤海唐時屬等國各禮俗並冀幽燕趙各風俗藉證今昔之不同夷夏變化之淳雜用夏變夷究未嘗有變於夷者也

(二) 地近邊陲開化較晚而進化尤遲自遼以定州俘戶建宜州民工織維多技巧

遼史地理志中京道

至明時賀欽猶以此方之人不習蠶織教家人紡績以及城堡於貼臺

守臺勸耕勸績

盛京通志重刻醫閻賀先生稿序

實業之不甚發達已可略見一斑迄今又閱明清

而及民國此中相去幾四百四十五年其實業程度當有超越古昔者故分農

工商礦林列表比較藉可知地方生計之狀況仿宣化雙城實業志例

### 選舉志例

(一) 選舉名志參酌九通盛京黑龍江通志及許州並祁縣錦縣安澤宣化雙城各

志例本志獨區爲上下卷上卷起自疏薦迄清仕籍下卷始於民國仕籍至衆

議院省議會議員及中學畢業非苛也以選舉資格限之也

(一)選舉始於古

漢重徵舉唐制貢舉明定甲乙制科清沿明制至末葉變法立學堂獎以舉進貢廩等猶存制科遺意至京設資政院省設諮議局府州縣鎮鄉設議參議董各會選舉愈重

實倡行

於今

民國成立京設參眾兩院省設省議

會州縣鎮鄉仍之而興廢或有非常 本志依各志例稍變通之首疏薦文科第則起

自清代翰林

有翰林始於清

遼學附之下逮僧生武起進士以及武生存古制也學堂之

得獎勵者列文武科第後以封蔭孝廉方正次之及清之議員議長其入仕籍

者歷代分文武實缺

志應虛職不再有也故志之

兩種以時代之後先分志之民國亦分文

武文起自蒙藏院參事

京官

省長

外官

等以及縣知事

局長科長附之

以特任簡任薦任委任

次之參議院省議會議員列仕籍後以其為近今選舉又國民代表未仕實為

入仕之階俊士又次之若學校畢業

專指停獎勵以後

則由大學起截至中學

與中學同級者附之 附

俊士後示科第之變相也第查訪難周尚多遺漏其補之也當亦通人所許

### 人物志例

(一)人物名志依從各志通例亦分上下卷上卷首志氏族著為人望以漢滿蒙回

藏次之中志列傳又另紀賢孝儒林仙逸技術等末志男子大年結為人瑞下

卷專志列女雖並列人物志中而分卷正以示有別之義又以壽婦居首有取

於老婦率先節孝貞烈各婦女次第從之隱寓尚齒尚德之大旨俾閭閻閱志

者知所則效也他志或以列女附入人物臨類志或以男女大壽合記錦縣志本志概不敢襲其例

(一)人物之目收取稍寬蓋取善善從長之義鼓勵後賢概由盛京通志所載及現

今採訪得實者靡不登錄發潛闡幽寧濫毋遺實恐埋沒真操其民間期頤自

起句爲國光人瑞或男或婦悉登錄之亦常例也惟列傳則現存人物概不錄焉

本蓋棺論定之旨實即趙岐撰三輔決錄序文所謂其人既亡行乃可述固修

志之通例也至於叙事無論官紳雖顯秩權要直行述名亦竊取乎臨文不諱

志例固如是也

(一)節孝爲風化所攸關若必建坊旌旌表褒褒揚而後入志特恐殉烈守貞之女德多

所遺漏本志援盛京通志例以事迹可考者傳述於前其年例相符或稍未符

者列名於後庶幾幽德生輝隱行增彩可以標苦節而勵人心也若耆壽登入

志書又盛世尙年之義惟以八十以上者爲限從泗虹合志錦縣志准此耆壽例新鄭

縣志鄉例也

### 藝文志例

(一)藝文名志合用各縣志例凡詔諭誥勅奏疏表議書簡文引詩賦銘聯詞歌傳



跋序論記說墓表墓誌銘行述啓贊集制藝著述分別朝代先志遠古後志近  
今有則錄之無則缺之毋敢濫也其民國總統題褒大元帥命令以及地方各  
官長曉諭佈告或有關風化或有關國計或有關民生冠藝文志首亦崇重本  
管之通例未可以獻媚貢妍論閱者諒之

(一)藝文大都碑版文字收錄頗夥以其係歷代名人筆墨又爲功德慈善之舉且  
間取屬培養人材之示諭及振興實業之佈聞所知必錄文之工拙姑不具論  
惟以有裨政治風俗名譽孝義諸大端爲目的之最高者

### 武備志例

(一)武備名志沿襲黑龍江通志安澤縣志之例他志無與焉舉凡遼金元明清及  
民國屬於武備者分代列入有徵則必記無徵則姑待考守信以傳信疑以傳  
疑之義

(二)凡歷代武備可考者舉分條爲二一日軍制一日兵事並述駐防附及勦匪而  
現行警甲爲地方要政亦民間負擔之一大部分故先叙原委於經費之出納

尤加詳

仿宣化警  
察志例焉

### 大事記例

(一)大事則不名志改名記考黑龍江通志以大事始曰志省志也宣化新志以大事終曰記縣志也都本上古大事作大結之遺規焉吾邑係縣志當然名記本志故取宣化之例以記名大事更別有取記事珠

唐張說為相人能以記事珠偶有遺忘一覽此即更開悟

之意乃

不沿名志而襲名記也

### 結例言

(一)全志共訂六卷立綱求簡分目求詳細則求備作者之本意如此

(二)全志由諸同人互相雠校疑者參之誤者訂之略者詳之闕者補之凡數易稿而成際今付梓極知僭越無所逃罪學疎識淺勉從邑乘之先聲糾謬補偏請

俟方來之諍友

鶴識

### 創編縣志之原委

吾邑自漢置無慮縣創舉也迄今二千餘年由縣而建州由州而改衛由衛而仍州由州而又縣原始約終則吾邑之名縣非創也吾邑之修縣志乃爲創何則蓋漢曰縣漢無縣志明曰衛明無衛志遼金元清曰州遼金元清亦無州志迨民國紀元吾邑化州爲縣更義州曰義縣閱十有五稔始興縣志之舉再三會議乃付成說翌年丁卯春邑兩忱君鶴總角交也過我門而入我室謂邑志將修盛事也亦創舉也虛編輯一席邀

從事爲之助鶴辭以代遠年湮文獻闕絕則創修難空言不足以徵信實事更何以

求是則創修而成完書尤難非若鶴素所著鄉土紀聞之述聊備過忘純疵無關於人

世也李君遂出自藏芮城乾隆二十八年修光緒元餘姚光緒元年修新民民國十年修臨江民國十四年修計一冊祁縣雍正七年修

臨穎順治十七年修趙州光緒二十三年修錦縣民國九年修共八冊等新舊各志計十三種促鶴從事辭不獲已尋有

方正縣令薛君穎階鶴世友也特假宣化民國十一年重修新志雙城民國十四年纂輯縣志各一部又有醫學

會長趙君子如鶴老友也舊贈安澤武清縣志各一函資爲標準然猶慮茲事體大仍

未敢倉猝着手復有敖君渥亭張君一忱先後以清盛京通志公同餉鶴等敖通志係家藏乾隆九年書張

清志係校藏乾隆通四十八年書助輸材料同案入梓同友徐文閣君並益之以承德臨城兩縣志囑爲借徑

趙縣長子馨又手書北鎮縣志大綱凡六地理人事政治人物物產遺文轉給並傳語之曰書將告成藉以

激勵而提示之鶴且慚且感尾從同人商訂辦法僉謂邑之有志猶國之有史家之有

譜也國無史其國可知家無譜其家可知義向未有志久爲邑人所詬病復爲世人所

誚刺專制時代私人不敢置議志付闕如尙可原也今則言論自由而於地方之往古

來今各事迹漠然置之其爲邑更可知矣同人極端贊成於時某也館長某也編輯某

也採訪某也贊助某也經理各由縣長分別聘委假邑教育公所爲地址定名曰義縣

志書館夫志者記也必前有摭拾後有傳聞乃能記其事而無誤時殊勢異公署案牘

前卷(一)目錄書總例言

大半失落無存者亦多剝蝕朽蠹無法檢查則撫拾匪易人物變遷老成凋謝乾隆季年及嘉道咸同間事鮮有知之者即或父老相傳往往言其略而莫道其詳挂一漏萬憑空臆造豈得施行於縣志同人曰否否志也者志一邑之事也綱既分者目既列附以細則固可極力搜羅目所見者耳所聞證以史書薛芥汀君二十四史借資參考況得多人徵集八區長十

區官担任採訪

有則志之無則略焉事事則寧闕毋濫文則寧簡毋繁但求稿實而考古次之縱

不能訂一完全善本不猶愈於放棄不修乎矧邑之事未附見於清盛京通志又百有

四十三年

通志自乾隆四十八年後未續修歷乾隆十二年嘉慶二十五年道光三十年咸豐十一年同治十三年光緒三十四年宣統三年民國十五年

之久其間重輕鉅細事不

知湮沒凡幾若再遲延所謂近今事迹將作杳古而古事愈無從着筆勉速進行其毋

却鶴

於是擬定大綱子目細則各若干參與編輯彼採訪以若干月為期纂修以若干

月脫藁溯自民國十六年四月一號設館開始至次年七月三十一號閉館告成此義

縣志書之所由來也

鶴謹識

義縣志前卷

攝影

目次

閭山片十

大凌河

大凌河堤片四

漢寶林樓

寶林山石門

元魏萬佛堂片四

元魏萬佛堂山洞石佛片五

元魏太和碑

元魏景明碑

遼開泰年大佛寺

遼大佛寺殿

遼大佛寺古佛片七

遼開泰年磚塔

遼天慶年石幢片四

遼石屏片二

金明昌碑片二

元王珣墓誌

明嶺西小屯圈臺

明鐵炮

明熙春東門

明慶豐西門

明永清南門

明安泰北門

明鐘鼓樓

魁星樓

清鐵鼎

魚骨石

八塔山

義縣城內街市

大凌河橋

義縣車站

清李維屏誥命

清王乾吉誥命

義縣政府

...

...

...

...

...

...

...

...

...

...

...

...

...

...

按醫巫閭山起伏於大凌河東岸爲一片邱陵南至海濱北至遼曲主峯在義縣東北屬松嶺脈松嶺自白岔山支出白岔山屬陰山脈陰山爲崑崙北支崑崙自葱嶺起點

二十年五月二十八日鶴識

### 閭山懸岩寺觀宇文公吳東山題名

大定進士自號閑閑老人趙秉文字周臣

幽州之鎮醫巫閭襟帶遼碣吞玄菟誰開青壁一萬丈坐我滄海之方壺有泉聲而飛有松實而腹雲烟出沒隨朝舖三百六十古精廬雲端削出金芙蓉望海寺前列幢蓋鎮山亭下羅笙竽廣寧太守來肩輿今日之遊差樂乎問而不答心語口高士例與山相娛壁間題詩亦髣髴記是詩人高蔡吳山僧睨壁笑問吾他山還有此客無黃花老人醉騎驢向天亦藐懸岩圖見淦水集卷三

### 醫巫閭山

金太常寺丞蔡珪

幽州鎮山高且雄倚天萬仞蟠天東祖龍趨之不肯去至今鞭血餘殷紅崩崖暗谷森雲樹蕭寺門橫入山路誰道營邱筆有神只得峯嵐兩三處我方萬里來天涯岷陀繚繞間風沙直教眼界增明秀好是嵐光日夕佳封龍山邊生處樂此山之間亦不惡他年南北兩生涯不妨世有揚州鶴

### 閭山

前人

西風絕境撫孤松千里川原四望通但怪林梢看鳥背不知身到碧雲中

望醫巫閭山

清錦州府教授張 嶧南和舉人

遙望醫閭天際峯青山疊疊白雲濃背連沙漠岡陵遠面對蓬瀛烟霧重王氣氤氳躔北極神靈縹渺憶虞封登臨定可開心目一覽皇都大幹龍

登閭山

據傳文苗君稷昌平人明季諸生遭時多難籍隸黃冠居盛京三官廟

軍都苗君稷

醫巫閭表舊皇都永鎮營州自有虞磴道廻翔神出入懸巖靈變樹模糊扶桑夜半天

鷄曉絕幕風前石馬趨早晚使君重薦辟六師今已過江湖

時命討雲南

前題

平陵陳 易

舜日高懸自可攀醫巫閭出大荒間遠開冰雪無邊路長奠龍蛇此一山老樹參天雲影直空青撲地石花斑已聞講殿儒進爲告成功戰馬還

登醫巫閭山

清奉天府丞張鼎彝東鹿進士

北鎮名山麓嵯峨錦水東遙分長白秀直并泰華雄日麗羣峰色松吟萬壑風從容勤杖屐勝慨正無窮

望醫巫閭山

清世宗憲皇帝胤 禎雍正

翠黛滿雲封遙看北鎮雄壯觀侔五嶽峻秩比三公葱鬱興王氣扶搖廣莫風勒名維



祖烈瞻仰萬年同

遊閭山

清熊岳防守尉 愛辛保

醫巫徧歷興尤豪不畏崎嶇不憚勞鎮日盡思凌絕頂此山總沒彼山高

過廣寧望醫巫閭山

康熙二十一年

清聖祖仁皇帝 玄燁 康熙

名山插霄漢朶朶青芙蓉連亘數十里隱見千百重迢遙不可及黛色堆奇峯窈窕復  
峯巒鬱鬱多蒼松中有桃花洞杳靄常雲封萬古鎮幽州秩祀同岱宗盼望生引領瞻  
顧停六龍何時一登覽盪滌疏心胸

過廣寧望醫巫閭山恭依皇祖聖祖仁皇帝元韻

乾隆八年

清高宗純皇帝 弘曆 乾隆

海旭凝螺黛罡風削玉蓉靈奇經覽乍聖蹟躡尋重過客羣停轡仙人廻轟峰

是山有仙人巖桃花

洞聖水盈北鎮廟諸奇勝 徒思山側徑未撫寺前松萬古為幽鎮千秋溯舜封崇功標地紀秩祀偶天

宗嶽薛疑騫鳳嶮峒突遑龍盈眸欣積素步馬遲婁胸

祭北鎮醫巫閭山

乾隆十九年

前人

敬謁橋山大典昭旋輿蠲吉祀寅朝提封於昔更無北望秩而今溯有姚廟古百王虔

盛享神庥億載佑全遼高低黍稻盈幽野歲歲顛祈風雨調

杪秋遊醫巫閭山得五言三十韻

乾隆十九年

前人

奧宇坤維鎮神堂，碣石開隆從。參漢迥案衍，向陽恢舜典。升柴載山經，括地咳昔曾。望

巒嶺癸亥歲有過廣東望醫巫閭山之作今已近壇咳，禋祀帛籩薦威儀。卿尹陪達誠，仙闕退問景。玉鞭催騫

八粟梨，墅延緣剝施。堆圃場崇有積鷄，犬靜無猜頻。見畊荒隧疇，能保一畝日。高方覺

煖風細，不生埃。盤谷深成阻，牛山久已咳。寺頽僧避去，屋寂鳥飛來。遂造崎嶇遍，從看

草木纔地靈，自呵護。天意本栽培，寫霧豁宮霍。流澌落漩洄，柳書人作字。松抱石為胎

初狹塵，凡限中宏造化胚。便因窮窈窕，旋命減輿檣。詰曲遵碕逕，蒙茸藉嫩苔。懸崖飛

瀑水，切顛聳瑤臺右壘水盆。尚有芝英碣，寧妨薦福雷右嶺蚪碑。武陵雖假借，洞口試徘徊。作記徵

彭澤成詩憶楚材右桃花洞。寧知進士第，轉遜岳陽杯右呂公岩。肥遯幽棲處，翹思獨往才右道隱谷。雲巢

真可號龍種，是誰栽右雲巢松。最後中峰矗，居然一笠鬼右曠觀亭。海天惟浩蕩，心目與兼該。始遇

欣佳矣，曠觀誠壯哉。安期如却掃，意不在蓬萊。

望醫巫閭山再依皇祖原韻乾隆四十年 前人

迎輿崙秀氣，不異把芙蓉。得得行行近，蔥蔥鬱鬱重。猶嫌數里路，原識幾層峰。豈是虛

摹境，即當真撫松。幽州千劫鎮，古廟萬年封。肅拜申淵悃，明禋遵六宗。未瞻闕闕鳳，已

覺氣為龍。一望紛吾慕，繼繩敢懈胸。

向因旋蹕祀今以進途鎮

癸亥甲戌皆由邊外至盛京歸途始經北鎮致祭今年出山海關而行先經是山因即申柴望之禮

鎮地奠千劫佐天福萬民

本無爲已禱饒有致心寅前度祈辭在

甲戌祭山有歲歲顯祈風雨調之句即勒碑其處

依然如昔申

望醫巫閭山三依皇祖元韻

乾隆四十八年

前人

迴蹕經平甸遠欣見蓉翠已知北鎮近應謁古祠重舜狩未傳典堯章永泐峰望中悉

路徑遊處憶杉松憑輦秋猶煖晞鬢雲未封由來欽故國自昔重禋宗廟貌新榱桷

上年

七月盛京將軍慶桂奏請修葺北鎮廟因降旨發帑重修廟貌一新神威護象龍一時騁遙目五字識虔胸

醫巫閭山

盛京志

城東北五十里高十餘里週圍二百四十里虞舜封十二山以此山爲幽州之鎮周禮職方氏東北曰幽州其山鎮曰醫巫閭隋開皇十四年詔以醫巫閭爲北鎮自後因之其山掩抱六重亦名六山遼人皇王托雲愛其奇秀購書數萬卷置山之絕頂築堂曰望海及卒遂葬於山山下爲北鎮廟廟東有仙人巖孤石峭拔上鑿呂仙像又名呂祖巖廟西有卒雲屏一石方廣丈餘下有竇南北相通明巡撫張學顏刻補天石三字於上又有桃花洞飛瀑巖懸泉下瀉雖冬不冰其麓屹立兩石如門烟霧出壑縈繞重巒名勝莫可殫述其形勢恢特窅奧雄峙遼河之右

詠閭山

唐國瑞 義州舉人

一紀光陰轉瞬間又因行路望閭山螺鬟消瘦秋容淨鳥道迷離夕照殷前日登高誰  
縱步今晨眺迥我開顏名區久繫攀躋志卻惜浮生不得閒

閭山

前人

莫謂吾鄉無勝境名山自古鎮幽州何時携我同心友來此持螯作壯游

閭岫晴嵐

醫巫閭山陰晴總佳而疊嶂層巒嵐氣蒸變晴日尤奇

錦州知府孫

成大興舉人

聞道閭山晴更好到時剛得遇天晴黛含秀色分煙細青變嵐光映日明絕壁參差紛  
對出諸峰遠近各相迎洞天幾處來縹緲萬仞丹霞逼太清

又

廣寧知縣項

蕙南寧舉人

興耽山水久成癖每欲捫蘿入翠微天與晴明教縱目人當嵐氣似沾衣塵飛野鳥迷  
荒徑暝宿林鴉亂落暉更待晚霞催月上近城煙火亦依稀

山閣瀑流

閭山第一奇峯冠以觀音閣有水自洞中潛流懸岩而下夏秋間客水助之作瀑布狀澎湃數里

范

勳定興恩貢

柱笏爭如躡翠微匡盧面目亦依稀九天涓滴銀河落萬古絲毫白練飛陰洞暗聞風  
戛玉陽崖晴見雨沾衣謬傳佛不桀三宿大士耽山忘海歸

石門雲壑

閭山北距兩石屹立如門舊志稱雲壑窈窕山巒迴合有武陵之幽信然

錦州知府劉

源溥高陽舉人

北轅却得越巖壑似山陰咫尺迷歸路雲鄉入莫深

又

孫成見前

閩山山北宛蓬萊指點丹梯望裏猜雲散石門延客入花生溪路引人來登臨縹緲千峰合踪跡分明一徑開多少煙霞遮不住此中還擬是天台

桃洞春花

桃花洞在閩山中洞不甚深而桃株無數花開時燦若錦繡烟雲護之土人目曰小桃源

前人

閩峰勝事獨爭妍繁若無枝春可憐可淡不深輕茜影如思如望少城煙夕陽山色明霞上流水花光欲雨天竟日白雲封鳥道桃源原在有無邊

又

項蕙見前

遼西野闢山風冷春盡桃花尙未開爭道逢時應爛熳相期載酒共徘徊雲封古洞無人到霞起新枝有蝶來遙憶故園千萬樹鶯天紅雨點青苔

遊醫巫閩山記

明給事中周祚

嘉靖九年九月給事周子按遼東事至醫巫閩之地適侍御謝子以觀風至地官寇子以督餉至周子曰宿羨醫巫閩之美請觀之謝子寇子曰盍觀乎以三子似宜觀也乃盟是月二十三日遂至觀音閣觀音閣者醫巫閩之勝也崑岫萬狀盡出天上三子登且觀飲酒而樂周子曰觀而樂矣有感乎謝子曰吾觀其山之穴崕焉呀焉嵌焉嵌焉空空焉洞洞焉其風氣所出乎寇子曰吾觀其山之土穹如隆如墳如礎如熇熇如焯

焯如其物類由產乎周子曰吾觀其山之形隴爾窳爾嶄爾截爾萃律爾兀結爾開而  
旁礪爾聚而輪菌爾其封守攸藉乎感止是耶謝子曰吾觀而風氣俗所攸寓矣吾知  
其理而已矣寇子曰吾觀而物類財所自生矣吾知其用而已矣周子曰吾觀而封守  
國所自設矣吾知其防而已矣吾三子之是觀蓋不多乎夫游觀外跡也而所感各有  
道焉則觀其可已乎內外者道也消息者亦道也知所理則知所亂知所用則知所缺  
知所防則知所失是又不可懼矣乎時同遊監軍王公總鎮劉公起而曰三子之言近  
道矣非徒觀也是宜書周子歸因書為遊醫巫閭山記

### 帕米爾

即博維爾在新疆之西清盛時收入版圖中分八帕曰塔克龍巴什帕郎庫里帕和什庫珠帕瓦罕帕阿爾楚爾帕薩雷茲帕大帕小帕其阿爾楚爾帕有清乾隆帝御製石碑刻漢滿回三種文字即其地屬我之鐵證

在葱

### 嶺之脊

亞洲諸大山脈均發軔於此地勢特高全部山嶺高度多在二萬數千尺之上東入中國之新疆西連阿富汗南鄰英屬之印度北接俄屬之中亞為亞洲之脊梁諸山系出焉其東走入我國者計四大山系東北行者為天山系阿爾泰

山系一橫臥新疆一盤紆外蒙東行者為崑崙山系綿亘新藏蒙青中國本部及滿洲諸山皆其敷布之幹支也東南行者為喜馬拉雅山系聳峙藏境縱下西康 **自葱嶺東行為崑崙山系** 離葱嶺東南行者為喀喇崑崙山脈

喇崑崙山脈最高處達二萬七千餘尺絕壁高峭為新疆與印度克什米爾之天然界山折東為崑崙總幹臨新藏界上多逾二萬尺以上之高峯最高點亦達二萬六七千尺東行入新疆南部為托古茲達坂即冷嶺亦多高鑿二萬尺以上之高峯至新疆青海

界上結為勒科爾烏蘭達布遜山由此分支為三一東北行為崑崙北支陰山系一東行為崑崙中支北嶺系一東南行為崑崙南支南嶺系 **東南行為喀喇崑崙山脈** 自葱嶺發端經新疆

來北支陰山系蔓延於黃河之北中支北嶺山系迤邐於黃河長江之間南支南嶺山系綿亘於長江之南 **折東為崑崙總幹主峰結為勒科爾烏蘭達布遜**

**山崑崙由此分三支幹脈（中支為北嶺系南支為南嶺系）北支為陰山系** 自新疆之阿斯騰塔格山入境

曰祁連山脈蜿蜒於甘肅青海界主峯在酒泉縣南峰為接天一稱天山匈奴呼天為祁連故名其脈延黃河左岸東北行經甘肅至寧夏曰賀蘭山脈延袤五百餘里山勢形如駿馬主峰在寧夏西蒙人稱曰阿拉善山即賀蘭之轉音其自祁連山脈西北走沿

甘肅寧夏界止於高台縣北者  
則為合黎山脈乃陰山支脈  
東北行爲阿爾金山入甘青曰祁連山脈一支爲合黎山脈幹脈

折而北行爲賀蘭山脈高自一萬尺至二萬尺廣僅三十六里入綏遠省爲陰山脈崑

崑北支正幹自賀蘭山蜿蜒東進縣互後套之北即古之狼居胥山故亦名狼山東走至歸綏城西北有翁凌山之高峯即陰山之正嶺亦名大青山此處有支阜南出若隱若現起伏於長城之北南行入山西境即管涔山脈也本脈所東迤至多倫東結爲白岔

山自此折而東北行者曰興安  
嶺脈向東南行者曰松嶺脈  
至歸綏之北起大青山爲陰山正嶺漢唐以來多守此備胡陰山

脈自大青山東延橫貫察哈爾省至熱河省結爲白岔山其間分支披離南下若翻波

瀾而走龍蛇穿入長城柳邊漫延冀遼境內介灤河大凌河之間者爲松嶺脈自白岔山  
支出縣互

於西遼河與灤河之間直至長城邊外又歧爲二環大凌河南  
岸而盡於奉天之醫巫閭山一入長城南盡於河北之碣石山  
松嶺爲陰山系入熱河省東走之一支斜

貫承德境爲老哈河灤河之分水嶺曰七老圖山轉東北行至柳條邊墻之松嶺子門

峙爲松嶺松嶺爲陰山系入熱河省境東走之一支斜貫承德縣境爲老哈河灤河之分水嶺曰七老圖山轉東北行至柳  
條邊墻之松嶺子門峙爲松嶺東行越大凌河至遼寧省之北鎮縣特起四千尺爲東北最早見於典籍之名山

醫巫閭即周禮職方氏所稱東北鎮山脈至此而東低爲邱陵成大小黑山再東爲法庫山復行低落到遼河西岸爲小塔子山相  
去五六里與長白山系之餘脈隔遼河相望另一支自平泉縣東仍東南走入長城至河北省爲碣石山陰山一脈更自白岔山南

走於灤河與白河之間者曰燕山山脈接  
於燕山之西北端而南走者爲西山脈  
更東行越大凌河至遼寧省之北鎮義縣間特起四千尺

(東北鎮西義縣)爲遼西秀峰即周禮職方氏所稱東北之鎮之著名醫巫閭山

附陰山系

自勒科爾烏蘭達布遜山東北行爲阿爾金山阿勒騰塔格嶺入甘肅青海界上曰祁連山脈更東入甘肅境爲一大長嶺全  
長至一千二百里一支繞張掖西北分出爲合黎山脈幹脈循黃河彎曲之勢折而北行障河套之西爲賀蘭山脈蒙人稱阿

拉善山峯巒蒼翠勢若駿馬高自一萬尺至二萬尺而峭削窄狹廣僅三十六里包河套而東入綏遠境爲陰山脈至歸綏之  
北起大青山爲陰山之正嶺萬山攢簇奇峯插天漢唐以來多守此備胡其支脈自察綏二區間南下入長城至山西爲管涔

山脈管岑山者桑乾河所導源也自此又支爲數支一東行爲恒山脈主峯在渾源東南即古之北嶽一南行爲呂梁山脈至  
河津夾黃河而成龍門山一東南行爲雲中山脈蜿蜒東南出入冀晉豫三省之間是爲太行山脈由太行西南行則爲太岳  
山脈止於雷首山砥柱三山之間與北嶺之崑山接觸陰山脈自大青山東延橫貫察哈爾至於熱河結爲白岔山其間分支  
披離南下若翻波瀾而走龍蛇穿入長城柳邊漫延冀遼境內介於桑乾河白河之間者爲西山脈白河灤河之間者爲燕山  
脈灤河大凌河之間者爲松嶺脈松嶺脈越大凌河則起醫巫閭山爲遼西秀峯陰山脈自白岔山東北行走熱察之界者爲  
蘇克斜魯山至遼黑蒙熱界上崛起爲索岳爾濟山入黑龍江境繞嫩江之西爲西興安嶺亦稱大興安嶺延長千餘里支脈  
四布盤紆於嫩江西岸額爾古納河東岸嶺甚高峻其高峯由五千尺至六千尺傾斜峻急西興安嶺循嫩江源而東北折爲  
伊勒呼里山脈一支北分至黑龍江岸起元寶山漠河金礦局在焉幹脈東北而東南呈彎曲狀爲黑龍江與嫩江之分水  
嶺脈中甚多窩集自伊勒呼里山東南行循嫩江東岸爲東興安嶺脈高大不及西興安嶺更折而東則爲小興安嶺盡於松  
花江岸凡此白岔山以下諸脈總稱內興安嶺蓋對阿爾泰山系之外興安嶺而言也小興安嶺渡松花江而南入吉林境暗  
接完達山脈爲松花江與烏蘇里江之分水嶺其脈西南迤接長白山脈南滿之主脈也主峯在遼寧安圖縣南古名不咸山  
厥後又有太白陡太白從太白太皇山等名高一萬尺至一萬二千尺雄偉而不峭削登降不難松花鴨綠圖們三江之源出  
焉其支脈北出者爲小白山脈爲牡丹江與松花江拉林河之分水嶺東南行者爲老爺嶺入西伯利亞境長白山脈自主峯  
迤邐而西接摩天嶺脈亦稱千山山脈以摩天嶺與千山皆是脈之高峯也脈爲遼東半島之脊骨遼河與鴨綠江之水於以  
分流達半島頂端之老鐵山乃伏行海底渡渤海海峽間有湧現水面者則廟羣島是也抵南岸之山東半島起爲宋家山分  
歧數支遍山東半島是謂勞山脈更渡膠萊河濰河而西爲泰山脈主峯在泰安縣北高五千零六十尺自古尊爲東嶽又曰  
岱宗陰山脈之尾闕矣計陰山脈自阿爾金山起幹脈長約  
八千里幹支脈遍北區諸省東三省新疆省及內蒙青海之域

以上帕米爾至附陰山系各說均根據中華最新形勢圖及東北年鑑特此聲明



凌河即景

李魁麟

連宵急雨漲波紋烟水蒼茫混不分潮打危城飛壞堞濤衝斷岸劈荒墳挑山勢挾蛟龍氣倒樹根蟠虎豹筋我願乘風隨浪去挂帆直入五湖雲

十一月三十日率紳商僚屬出城巡視河隄感賦一章

濮良至

水與人爭地沙推石墮城治河無善策憂國是邊聲我愛絃誦舊誰稱杖履輕同舟期共濟努力重民生

和濮縣長出城巡視河隄感賦一章原韻

王鶴齡

一角虧西北凌河捲入城瀾翻風助力隄破雨吞聲邊事誰收拾羣工較重輕得公持正議佛號萬家生

和濮縣長出城巡視河隄感賦一章原韻

趙福永

雉堞墟西北鯨波夜撼城築隄懷遠慮釀款動愁聲防導工疇效人民命詎輕巡行勞玉趾厘念繫蒼生

和濮縣長出城巡視河隄感賦一章原韻

李兆澤

巡罷凌河岸先成衆志城果來舟楫客好奏管絃聲治法知寬猛工程審重輕斯人今已出額手遍蒼生

清明節前三日率同官紳踏勘大凌河北岸舊水道適值風沙大作歸途有感偶  
成截句四首即柬諸社友索和  
濮良至

大河如箭射城西石壩三條破不齊欲挽狂流歸故道好疏北岸護南隄  
出邊沙淺入邊深河有三源盡可尋籌策百年銷水患勸民多植樹成林  
去年洪水灌危城河伯無靈苦衆生自古白狼征戍地鄉愁閨怨雜邊聲  
出城不爲踏青來舟楫誰稱濟世才滿面塵沙兩鼻土祇因勘罷河工回

和清明節前三日率同官紳踏勘大凌河北岸舊水道適值風沙大作歸途有感  
偶成截句四首即柬諸社友索和元韻  
王鶴齡

頻年河道決東西浪齧城隅缺不齊聞得今番籌善策潘公治法賈公隄  
古宜遼代浚河深累石爲隄不可尋何曰橫流收束好須從兩岸養森林  
民膏民血護斯城十萬金錢百感生猶憶去年淫雨夜雷風逐浪送悲聲  
河工喜得好音來盡賴中流砥柱才畢竟慈航能普渡狂瀾從此挽將回

前題

趙福永

凌河源遠溯從西曲折東流勢不齊浪底沒收城一角護城先事護河隄  
橫決中流沙益深當年工作不堪尋治河根本非無術全國荒山養樹林

殘隄護不住危城民衆煩言從此生輸出金錢十九萬怨聲併入大河聲  
吾義何修賢尹來功推趙昱李冰才民心順令如流水任爾狂瀾也挽回

前題

李兆澤

大河北岸日斜西草亂沙平樹不齊疏濬功成興水利好留關外作蘇隄  
在山泉水本來深流出山時道可尋一入平原費收束全憑夾岸有森林  
凌水揚波撼城安瀾何日慰羣生可憐三座新修壩不隔民間怨苦聲  
撲面風沙捲地來濟川須仰濟時才無窮攬轡澄清意爭看州官策馬回

前題

蘇毓芳

河工諮訪徧東西捐募何曾別魯齊可惜集資三十萬僅留殘破兩三隄  
漫言民怨與河深往日蛛絲尚可尋擲盡多金無少補問心殊覺愧林林  
護城未果竟折城辜負居民怨讎生最苦門閭漂沒處哭聲悽慘雜濤聲  
風沙匹馬出城來知是中流砥柱才從此狂瀾信手挽誰云天意不能回

大凌河晚眺有感

庚午夏

董天華

遠山呈眉黛斜陽刺眼明河水活活流胸襟爲開闕村樹盡蒼鬱野草各滋榮好鳥相  
飛逐羣蝶趁人行由此見物意自適乃常情遙念荷戈士百萬中原橫死傷動萬計南

北禁時評有何叛與逆長此閭牆爭去年邊烽急赤騎若奔鯨舉國憤侵陵孰肯出一  
兵坐令東北衆艱難獨支撐衛民保國事視同鴻毛輕權利及意氣不惜大犧牲哀哉  
蚩蚩氓何以得安生

前題

王鶴齡

釣台望不見鄉賢思有明河上嘗垂釣歸隱比袁閔近水遼城在城危草色榮樹村到  
眼中水流船行行人物見今古見景每生情萬佛元魏洞蒼茫河北橫元景疏刻石殘  
闕任人評南北誰主人頻年作戰爭強有力蠶食積極類吞鯨小民遭塗炭天何不厭  
兵東北壁上觀大勢趨獨撐舉國荷戈者疏通未敢輕究竟孰統一民命已犧牲君詩  
直史筆今世史狐生九月十三

凌河觀濤

右調滿江紅

李魁麟

巨浪滔天東來翻銀滾雪白茫茫不辨魚龍那分晝夜怒濤橫掃金隄裂太空倒湧銀  
河瀉憶前朝曾築大凌城留餘烈霸圖休雄風歇數興亡從頭閱只賸得點點沙鷗明  
滅嗚咽寫出淒涼韻奔騰淘得英雄血得多少芳草襯斜陽銷殘劫

大凌河源流

大凌河魏曰狼河

魏書地理志

遼曰靈河

遼史地理志

金曰凌河

金史地理志

元曰凌水

元一統志

明曰大凌河

明一統志

蒙古曰傲木林河紀要曰惡河亦曰惡木林河水道提綱曰傲木倫河熱河志曰傲木

楞河錦縣志

來自熱河之建昌縣南朝陽縣東為建朝錦及義四境入海之一大水建朝支水流入者二

十有四錦支水流入者有三義支水流入者十有二名分附後

而其源厥為三南一北二皆出建昌縣地一出建昌東南之土心

塔北流逕威遜圖山東北流逕錫喇哈達圖山又北至三台小營一出建昌西南之水

泉子東流至建昌南一出建昌北三官營東南流至建昌南二流合而東南流至三台

小營三源始會東北流入朝陽境六十里至土默特右翼境之木頭城子又一百三十

里逕朝陽南稍折而東南流又一百八十里至九官台門出朝陽境入義縣境

承德府志引水經注曰白狼水出白狼縣東南廣成縣北流西北屈逕廣成縣故城

南俗謂之廣都城又西北石城川水注之又東北逕昌黎縣故城西高平州水注之

又東北自魯水注之又東北逕龍山西又北逕黃龍城東又東北濫真水出西北塞

外東南歷重山入白狼水元一統志曰凌水源出龍山縣南六十里師婆塞至縣東

南十五里入利州界一云源出龍山縣南八十里紫草務東北流一百里入利州界

又北經富庶縣東南三十里又東經建州南四十里又東入興中州界經州東南下

流入義州境 遼史地理志建州在靈河之南金史地理志興中縣南有凌河永德

縣北有凌河案白狼水發源古白狼縣東南而流經古龍城東境漢書地理志白狼

縣下但注白狼山不言白狼水水經注始以白狼縣爲白狼水所經又稱白鹿山即白狼山白狼山在今建昌縣南喀喇沁左翼東境大凌河正流逕其西可爲白狼水之證又水經注白狼水北逕黃龍城東魏營州刺史治魏氏上地記黃龍城西南有白狼河東北流附城東下是也魏書地形志亦謂龍城縣有狼水黃龍城故地即今朝陽縣治大凌河正東北流逕其城東又可爲白狼河之證隋書地理志營州遼西郡柳城縣下有狼水柳城即龍城當今朝陽縣治舍大凌河別無他水則又可決爲古白狼無疑至遼史謂建州在靈河之南五十家子廢城大凌河經流其北故曰在靈河之南金史謂在興中縣南永德縣北考興中縣今朝陽縣南西境永德縣今朝陽縣東南境凌河正當二縣之中故介居南北

錦縣志引漢書地理志右北平郡下白狼縣師古注有白狼山故以名縣白狼水當亦因此得名水經注曰白狼水出右北平白狼縣東南北流西北屈逕廣成縣故城南按白狼縣有二而白狼水復北流至廣成縣知白狼縣在廣成縣故城之南矣水經注又曰又西北石城川水注之北逕白狼縣故城東王莽更名伏狄此則漢白狼縣之故城更在廣成縣故城之西北在莽時已改稱伏狄矣二白狼縣一在廣成之南一在廣成之北方輿紀要云建安中魏公曹伐烏桓登白狼堆蓋即漢白狼縣舊

址也城廢故曰堆若其南白狼縣則晉咸康中慕容燕之所復置也此水縈回於白

狼之間故以為號但酈注曰出曰逕皆言流而非源白狼水蓋有三源南一北二蒙

古皆曰傲木林紀要謂之惡河亦曰惡木林水道提綱作傲木倫熱河志作傲木楞

皆譯凌河也而白狼水之稱凌河則見於金史地理志興中縣今土默特治南有凌河永德

縣今錦縣西北北有凌河然遼史地理志已有建州今錦縣西北在靈河南語是凌河原作靈河猶

木楞之作木倫音同文異耳其稱大凌河者明一統志大凌河出大寧小凌河源出

大寧則大凌河之名又以對小凌河而別之亦猶白狼河而魏書地形志簡呼作狼

河也元一統志曰凌水出龍山縣今喀喇沁左翼西南南六十里師婆塞至縣東南十五里入利

州秦屬遼西元隸大甯路界一云出龍山縣南八十里紫草務東北流一百里入利州界今按大

凌河南源出建昌縣喀喇沁左翼其南地名土心塔在建昌城南二百二十里初出

北流逕傅家臺西迤北至箭廠西乃轉而東北逕石柱山熊山之東元一統志曰熊

山在龍山縣南六十里石柱山在龍山縣南八十里然則石柱即所謂紫草務熊山

即所謂師婆塞以道里計之恰合也乃知元志亦特溯其流耳又北流至喇嘛洞西

又北流水勢忽一曲折而西北酈注所謂北流西北屈者也有威遜圖山漢名樺山見熱河志在

其西河流經其麓自是北流復轉而東北其北岸為犛牛屯即漢廣成縣故址自是而又北流

爲鄂倫和固諾克山所阻乃西屈而北轉至喀喇沁左翼西南明營州右屯衛北有

和爾圖河源出托蘇喀喇山自西南來注之遂東北合流屈逕公營子西南其西南岸有龍山

縣故城蓋遼置也又迤北有僧機圖河即古石城川亦曰生機河見清一統輿圖自西南注之乃北流逕公營子

西又東北流出古長城界此乃漢遼西與右北平長城分界遞迤而東北有賽音臺河出鴻吉爾岱見熱河志自西來注

之乃東流北折逕東平房村西又逕三台營之西乃大凌河南北源口要津也自土

心塔至此陸程百里南源始盡其西岸有方城川水合阿蘭善河提綱作阿喇善河漢言神水即古琵琶川又曰榆林

河見元一統志蘇巴爾噶河清統輿圖作蘇巴爾漢即句水俗訛爲狗水見元一統志又爲石塔河見熱河志來會命曰北源按北源有二一出左

翼西之水泉子在建昌縣二十里舖之南十餘里今謂之克爾河即水經注所謂方

城川水是爲大凌河之中源北源又出左翼西北之三官營在建昌縣北迤而東南

流北源既挾兩河以南流至小河村東復與中源遇於是北中兩源會而東流又南

折遶金華山之南東流遙指七間房北又迤北東流至三台小營東與南源合三源

既合河流始盛迤北逕東哨村西又迤北而東折至鐵溝村北又東流入朝陽縣界

達永來店東望梯子嶺南望朱家嶂又東流有南土河源出平泉州自西北來注之又東進

木頭城子即元建州開泰鄉蒙古呼爲滿代營子又屈曲東流逕西平房之西南有卑努克河源出牛膝和屯西北三十里之熱水湯即

古高平川水自西北來注之又東南流距朝陽縣一百十里有波羅臺溝河出建昌北境自西北來



注之又迤南而東流至喀喇城見遼東志西有察罕河白河自西北來注之逕喀喇城

有布爾噶蘇臺河即自魯水自西北來注之由此而迤東北流其水漸濁於是有黃河

之目焉見熱河志又東北逕龍山西至朝陽縣附城東北流逕長板營北又東迤南至

二官營有固都河源出朝陽縣北一百里石罅中見熱河志自西北來注之又屈曲東流逕艾石溝又東有涼

水河在朝陽東北境會冷泉即壘泉來注之迤南而東逕老貝子府南金教寺南有北土河蒙古呼圖爾根河即

水經注之濫真水出朝陽縣屬奈曼南五十五里之五鳳山挾固爾班和爾圖泉源出奈曼西南朝陽溝即古虎河口卓索河漢名紅土河什巴爾臺

河漢名爛泥塘河格爾庫爾臺河土人呼之為石鷄河巴爾察罕河漢音烏里雅蘇臺河漢名數水來注之又

迤東而南流逕三寶營東北又東南流逕九官臺門從東北入柳邊至義縣之西北

境

大凌河自義縣西北九官台門入遞迤而南流至牯牛嶺北又迤東南流至高麗坎轉

南流過河夾心至馬山勾東又東南流至楊家溝李家溝北又東北流逕西四方台八

里堡五里屯北萬佛堂頭溝南又東流破沒縣城西北一帶逕縣北門外稍東北流逕

高家屯高世虎屯北牛心屯東四方台孫柏屯星星屯邊門子南乃南流至霸王莊水

勢益盛又南流逕平房峪東白小莊船小莊西稍西南流至沙河驛西又西南流逕木

廠堡西又西南流至三角城子西小方正堡東北出義縣境入錦縣境

錦縣志載大凌河至義縣之西北境遞迤而南流其西有柳河川蒙古呼為衰魯老河源出土默特蘇巴爾噶圖山

合老公溝泉源出義縣境水注之又南流有大安堡河源出義縣紅石碾子山東趨而北流注之又迤東

南流至牛心屯西南東流逕四方臺八里堡五里屯北萬佛堂頭溝南有小沙河源出

義縣魏家市南自西南來注之又東流逕義縣城北門外東流逕高家屯高世虎屯北牛心屯

四方臺孫柏屯星星屯邊門子南乃南流至霸王莊其東有榼倫水蒙古謂之翁格勒庫河俗謂之清河即清水河

之簡稱見元一統志清河邊門以此水得名會隘口河一名細河其上流日殺羊河源出土默特邁達里山馬鞍河蒙古謂之錫喇塔拉河源出土默特摩該波羅山注之至是水勢

益盛與遼河相埒其西有泥河源出宋八屯自西來注之又南流逕平房峪東白小莊沙河

驛西有東西沙河東沙河即大窰堡泉西沙河即營城東泉合流注之又南流逕小方正堡東南入錦縣境

大凌河自錦縣境之小方正堡東稍西南流逕魏家屯八間房大方正堡傅家堡馬黃

旗三家子東又東南流逕蛤蜊河尤山子東三角城金家屯黎家屯西荒地勝家屯大

有屯金城所西水勢益盛乃南流至大凌河甸東北從鐵道橋下出南為官渡口冬橋

夏船為行旅必經處水勢浩瀚乃迤東南流至石窩棚王窩棚逕三段四段五段六段

七段東畢罕台杜家窩棚姚家屯河流分為二 一從姚家屯南東流逕大閭家屯孔

家屯北小閭家屯石屯衛大王家屯小王家屯南又東流逕秦家屯小朱屯小鄭屯新

立屯張家屯北大朱家屯小朱家屯南至太平屯東南鞋底溝入海 一從七段范家

屯東南流逕大機房孔家坨北青坨子東北迤南東流逕大窪賈河沿滾子溝北圈河南岳家屯小光輝台南至南地頭子大溝又迤東南流逕張家窩棚王家窩棚老虎溝

東西三義屯至葫蘆頭子西南入海

渤海亦日南海

錦縣志載大凌河至錦縣之正北境南流逕魏家屯八間房大方正堡傅家堡馬黃

旗三家子游山子東三角城金家屯黎家屯西荒地勝家屯大有屯金城所西有大

蛤蜊河

見本志

合七里河

即冷泉河見本志

王巨河

俗呼乾河溝

石河

即大定河見本志

注之水勢乃益盛南流至城

東四十里大凌河甸東北從鐵道橋下出其南為官渡口冬則橋梁夏則船艦為行

旅必經之路水勢浩瀚不減於遼河乃迤東南流至石頭亮子逕三段四段五段六

段七段東畢罕台杜家窩棚姚家屯西河流分為二一從姚家屯南東流逕大閤家

屯孔家坨北小閤屯右屯衛大王家屯小王家屯南又東流逕秦家屯小袁屯新立

屯張家屯北大朱家屯小朱家屯南至太平村東南鞋底溝入海一從七段范家屯

東南流逕大機房孔家坨北青坨子東北迤南東流逕大窪賈河沿滾子溝北圈河

南岳家屯小光輝台南至南地頭大溝又迤東南流逕張家窩棚老虎溝東西三義

屯西至葫蘆頭子西南入海

建昌水入大凌河者有五分列如下

和爾圖河 在朝陽西北境自小八溝平地出泉約二里許東南流潞為河

僧機圖河 (即古石城川亦曰生機河見清一統輿圖) 在建昌治南境(初纂云在縣西南一百二十里)源出縣屬喀喇沁左翼西四十里之僧機圖山東流逕平房兒入大凌河

賽音台河 在建昌治南境(初纂云在縣正南三百里漢名三臺河)源出縣屬喀喇沁左翼西北六十里之鴉吉爾岱山東流入大凌河

阿蘭善河 (提綱作阿喇善河漢言神水即古琵琶川又曰榆林河見元一統志) 在建昌治北四十里漢名神水河源出縣屬喀喇沁左翼西北境俗名熱水湯東南流逕濟爾噶朗營入大凌河

蘇巴爾噶河 在建昌治西三十里漢名石塔河(清一統輿圖作蘇巴爾漢即句水俗訛為狗水見元一統志)源出縣屬喀喇沁左翼西北境東南流逕五官營入大凌河

平泉水入大凌河者有一

圖爾根河 即古榆河漢名土河以其北別有土河流入土默特右翼境或稱此為南土河源出平泉州屬喀喇沁右翼東南一百八十里之錫默特山在州治東境東流逕建昌縣屬喀喇沁左翼北境入朝陽縣屬土默特右翼西境

又東南入大河凌

朝陽水入大凌河者十有八分列如下

波羅台根河 源出建昌縣北境敖漢南之牛膝河屯在縣治北一百八十里東南流入縣屬土默特右翼境逕波羅台溝共行八十餘里入大凌河

察罕河 漢名白河源出朝陽縣屬土默特右翼西一百六十里之哈卜塔海華山在縣治東境東南流入大凌河

布爾噶蘇台河 (即自魯水見水經注) 漢名柳河亦名黑子城源出朝陽縣屬土默特右翼西北一百九十里之威遜圖喀喇山在縣治西北境東南流逕喀喇城八大凌河

固都河 在朝陽治北一百里自石罅中出行五里許伏流六十里出而南流六十里入大凌河

涼水河 在朝陽治西北境自小八溝平地出泉約二里許東南流潞為河行四十里許又伏流二十五里仍出而東流十五里入大凌河

圖爾根河 (蒙古呼圖爾根河即水經注之濫真水出朝陽縣屬奈曼南五十五里之五鳳山見錦縣志) 亦名土河以其南別有土河或稱此為北土河源出朝陽縣屬奈曼南五十五里之塔本陀羅海山在縣治北境南流入土默

特右翼北境逕綽諾圖山（與建昌縣之圖爾根河別）又南入大凌河

**卓索河** 漢名紅土河源出朝陽縣屬土默特右翼北一百里之輝果爾山在縣治北境東南流會圖爾根河

**什巴爾台河** 漢名爛泥塘河亦稱土河（與建昌之什巴爾台河別）源出朝陽縣屬土默特右翼北三十五里之多倫和爾和山在縣治東北境東流會圖爾根河

**格爾庫爾台河** 亦名石鷄河源出朝陽縣屬土默特右翼東四十里之塔本陀羅海山在縣治東北境而北流會什巴爾台河

**巴圖察罕河** 漢名柞河源出朝陽縣屬土默特右翼北十五里之巴顏華山在縣治東北境東南流會圖爾根河

**烏里雅蘇台河** 漢名楊河源出朝陽縣屬土默特右翼東北八十里在縣治東北境西南流會圖爾根河

**袞齊老河** 在朝陽縣治東源出縣屬土默特右翼南三十里之蘇巴爾噶圖山東南流至九關台門西南二里入義州境名柳河川又東流入大凌河

**翁格勒庫河** 漢名麝香河源出朝陽縣屬土默特東八十里之翁格勒庫山在縣治東北境東南流至清河邊門之西入義州境名清河又東南流入大凌河

**伊瑪圖河** 漢名殺羊河源出朝陽縣屬土默特左翼西北六十里邁達里山在縣治東北境南流至清河邊門之東入義州境名細河又東南流會清河

**錫喇塔拉河** 漢名馬鞍河源出朝陽縣屬土默特左翼西北四十八里之摩該波羅山在縣治東北境西南流會伊瑪圖河

**奎騰泉** 漢名冷泉源出朝陽縣屬土默特右翼西北二十五里在縣治東北境南流會涼水河

**固爾班和爾圖泉** 在朝陽縣治北源出縣屬奈曼西南六十里三泉岔涌合而東南流會圖爾根河

**喀喇託歡泉** 漢名釜泉亦名黑錫泉源出朝陽縣屬土默特右翼西六十里之喀喇託歡山在縣治東北境東南流會固都河

**附卑努兒河** 錦縣志載源出牛膝和屯西北三十里之熱水湯即古高平川水

義縣水入大凌河者十有二分列如下

**柳河川河** 在義州西三十里其上流為朝陽發齊老河至九官台門西南入義州境合老公溝泉河入大凌河

**老公溝泉河** 在義州西三十五里源出老公溝泉北流入柳河川河

**大安堡河** 在義州西南三十里源出紅石驢子山泉北流繞大康堡西入大凌河

**小沙河** 在義州西南二十里源出魏家屯南泉繞城西北入大凌河

**清河** 在義州東北五十里蒙古謂之翁格勒庫河俗謂之清河即清水河之簡稱見元一統志清河邊門以此水得名又曰櫨倫水見錦縣志其上流為朝陽翁格勒庫河至清河門西入義州境經大清堡會細河入大凌河

**細河** 一名隘口河在義州東北六十里其上流為朝陽伊瑪圖河至清河門東入義州境會清河入大凌河

**泥河** 在義州南七里源出城西南二十里之宋八戶屯泉北流至徐家屯西入大凌河

**西沙河** 在義州東北十五里源出營城東泉東南流入東沙河

**東沙河** 在義州東北十六里源出城東北三十里之大事堡城西泉南流遶出頭山入大凌河

**王巨河** 在義州南十五里俗呼乾河溝源出州城東南灰山東北流合七里河入大凌河

**齊家堡七里河** 在義州南四十五里源出斑石山東南流遶望高山入錦縣界名冷泉河又東南流入大蛤蜊河

**松林堡河** (即孫凌堡河見盛京通志又曰石房河見方輿紀要義州衛石河注以其出石廠山故又曰石河而石廠山為明大定堡戍地故又曰大定河又石廠山東為孫凌堡河流經焉故更名孫凌堡河見畿輔通志)在義州南三十五里源出石廠山由開州南入

錦縣境又東南流入大蛤蜊河

**錦縣水入大凌河者有二分列如下**

**大蛤蜊河** 在錦縣東北四十里源出境內東三十里之櫻桃園泉東南流遶游家山北入大凌河

冷泉河

在錦縣東北四十五里其上流為義州齊家堡七里河源出斑石山東南流入境內逕魚子嶺入大蛤蜊河

大定河

在錦縣東北五十五里其上流為義州松林堡河源出義州石廠山南流入境內又東南流逕魚子嶺入大蛤蜊河

按大凌河源出熱河省凌源縣西南努魯兒虎山

自老哈河之遼水南岸起由山海關西北入長城止於碣石山

東勢趨東北


流入遼寧境

本省較大河流除遼河外有三曰鴨綠江曰洮兒河曰大凌河

經義縣城北折向東南流終點入遼東灣

二十年五月二十八

日鶴識





題寶林樓

李鶴年

懸岩橫插石玲瓏鬼斧鑄劍造化工樓閣疑危遠天外風煙迢遞夕陽中恨無眞福愛  
雲鳥悵觸鄉心託塞鴻有客層巔歌一曲銅琶鐵板大河東

寶林樓即事四首

庚午三月東巡  
閩山撥冗一遊

濮良至

郊遊事事覺春閒轉入山村路幾彎花柳遙遙人緩緩垂鞭來看雨中山  
神力當年信手揮石門兩扇開崔巍衛兵膽怯鳴槍入驚起山鴉萬點飛  
危樓百丈勢凌空峭壁難施建築功更上一層天愈近低眉我與佛心同  
樵採無端換酒錢誰知愛惜樹參天野僧不慣謁官府避入雲深去坐禪

和寶林樓即事四首元韻

趙福永

今年春晚尙農閒楊柳成村水幾彎一入石門景幽險登樓俯視四圍山  
誰氏當年神斧揮鑿成石壁峭巍巍恩恩車馬無塵土雨後晴霞作錦飛  
樓依閭岫勢凌空妙手誰施造鳳功欲考源流尋古蹟摩崖沒字一碑同  
時值皋榆綴古錢春陰三月養花天寶林道上巡行徧沒個僧人可解禪

前題

李兆澤

東巡采俗興幽閒路轉峰回水幾彎莫道雲深春色晚野花開徧四圍山

鑿就石門巨斧揮於今雙敞勢巍巍山中甘雨隨車到從此塵埃淨不飛  
雲梯飛聳入遙空建始危樓何代功高處題詩低處和霓裳詠許衆仙同  
柳未垂絲榆未錢巡行閭右暮春天寶林佛地兼天險留個山僧靜守禪

寶林危樓

王鶴齡

樓高百尺背依山建築誰詳朝代間苔滿殘碑勞覓辨蘿牽仄磴任登攀題詩掃壁今  
懷古吹笛憑欄去復還更上一層絕頂望寶林煙樹自幽閒

寶林危樓

趙福永

危樓高聳倚閭山樓在懸崖峭壁間屹立石門鞭自撻倒流水井客曾攀驅車遠上艱  
升降著屐登臨倦往還堪羨老僧遊物外置身日與白雲閒

寶林危樓

李兆澤

樓外危樓山外山淺深蒼翠有無間容身石磴險難渡絕頂雲梯高莫攀拂檻怪松龍  
欲吼捲崖枯樹鳥知還摩天百尺依閭岫祇許僧人鎮日閒

按寶林樓自第一層樓至山之最下處約四十七丈相傳創建於炎漢

見清順治年碑

嗣屢有修

補騷人遊客往往登臨玩賞歌嘯不已可稱義邑建築物之最古者

題寶林樓

李鶴年

懸岩橫插石玲瓏鬼斧鑄造化工樓閣巖崕遠天外風煙迢遞夕陽中恨無真福愛  
雲鳥悵觸鄉心託塞鴻有客層巔歌一曲銅琶鐵板大河東

寶林樓即事四首

庚午三月東巡  
閩山撥冗一遊

濮良至

郊遊事事覺春閒轉入山村路幾彎花柳遙遙人緩緩垂鞭來看雨中山  
神力當年信手揮石門兩扇開崔巍衛兵膽怯鳴槍入驚起山鴉萬點飛  
危樓百丈勢凌空峭壁難施建築功更上一層天愈近低眉我與佛心同  
樵採無端換酒錢誰知愛惜樹參天野僧不慣謁官府避入雲深去坐禪

和寶林樓即事四首元韻

趙福永

今年春晚尙農閒楊柳成村水幾彎一入石門景幽險登樓俯視四圍山  
誰氏當年神斧揮鑿成石壁峭巍巍恩恩車馬無塵土雨後晴霞作錦飛  
樓依閭岫勢凌空妙手誰施造鳳功欲考源流尋古蹟摩崖沒字一碑同  
時值皋榆綴古錢春陰三月養花天寶林道上巡行徧沒個僧人可解禪

前題

李兆澤

東巡采俗興幽閒路轉峰回水幾彎莫道雲深春色晚野花開徧四圍山

鑿就石門巨斧揮於今雙敞勢巍巍山中甘雨隨車到從此塵埃淨不飛  
雲梯飛聳入遙空建始危樓何代功高處題詩低處和霓裳詠許衆仙同  
柳未垂絲榆未錢巡行閭右暮春天寶林佛地兼天險留個山僧靜守禪

寶林危樓

王鶴齡

樓高百尺背依山建築誰詳朝代間苔滿殘碑勞覓辨蘿牽仄磴任登攀題詩掃壁今  
懷古吹笛憑欄去復還更上一層絕頂望寶林煙樹自幽閒

寶林危樓

趙福永

危樓高聳倚閭山樓在懸崖峭壁間屹立石門鞭自撻倒流水井客曾攀驅車遠上艱  
升降著屐登臨倦往還堪羨老僧遊物外置身日與白雲閒

寶林危樓

李兆澤

樓外危樓山外山淺深蒼翠有無間容身石磴險難渡絕頂雲梯高莫攀拂檻怪松龍  
欲吼捲崖枯樹鳥知還摩天百尺依閭岫祇許僧人鎮日閒

按寶林樓自第一層樓至山之最下處約四十七丈相傳創建於炎漢

見清順治年碑

嗣屢有修

補騷人遊客往往登臨玩賞歌嘯不已可稱義邑建築物之最古者

治城西北十五里有萬佛堂堂址三楹前殿三楹前有山俯瞰大凌河南崖刻石佛像大小無數此盛京通志所載如是考萬佛堂係倚山鑿洞佛像悉數難終東有向南至地兩丈餘高中有大魏碑係元魏字跡多模糊有拓帖照片西大洞亦有大魏碑字跡雖在辭句不全亦有拓帖照片正洞有階石疑是元明以上之墓其文曰敕諭叅將馬公兪氏之墓洞東塔高兩丈餘以灰爲面以石爲頂向南有石一方高約二尺寬約一尺其文附後據碑載萬佛堂洞創造於魏太和二十三年己卯迄現年民國二十年共經一千四百五十八年

題萬佛堂壁

明進士戶科給事中賀欽

峭壁鑿成萬佛分招提開創幾千春行童不識尋幽客誤作叅禪問法人

其二

前人

雲端石洞可棲身水繞山圍賸得春傳語高僧休厭客西林曾厲著書人

題萬佛堂詩

清貢生清史館編輯袁金鎧

萬佛堂高凌水深雲山廻護到於今煌煌元景洵奇寶播得光芒照藝林別有韓貞片石殘鑿空置牖半形剗世人誰解相珍重爨下焦桐賞識難

題萬佛堂古寺

清優生李魁麟

壯義郡之大觀東望閭峯西臨凌水南連峻岑北枕荒邊想前朝留勝蹟安排這無憂  
上境

接福山之一脈高吞旭日低壓平沙遠對孤城近瞻寶塔登古洞仰佛光彷彿到極樂

西方萬佛堂本寺  
中有古塔一

### 萬佛堂碑跋

董天華

此碑在義城西北十數里萬佛堂之石窟中當時係就石壁上斲成長寬約三尺許之  
碑形年代久遠風雨剝蝕又因石質非佳地處僻塞復被牧豎損壞造像盡皆毀滅現  
僅碑身殘餘之三百十數字約有百七十字尙完好字體雄偉迺勁可與張猛龍諸碑  
相頡頏也

觀碑文係大魏太和二十三年營州刺史平東將軍元景造按元魏孝文帝在位二十  
九年至太和二十三年而歿當時本邑屬營州則碑爲孝文末年所建確無疑問余意  
元公必深兼儒釋而於字學亦甚精湛故喜造像刻記爲皇帝祈福此必公之所撰書

也民國十九年四月上浣合  
肥董天華跋於義縣軍次

余跋此像記未半月復得梁任公跋文茲并錄之於後

元景造石窟記出土初跋一紙周君養菴所贈辛酉春夏間養菴在奉天義縣城西北

十三里大凌河濱訪得者也像爲太和二十三年四月八日（浴佛日）造爲孝文皇帝  
祈福然者孝文實以其年四月一日殂想道遠未及知耳石窟設像以雲岡爲最古且  
最宏偉而記刻之文字無一焉造像記石刻傳世者莫先於龍門之始平公蓋太和十  
二年也次則十九年之邱穆陵亮夫人次則二十年之一弗次則二十二年之高楚及  
北海王詳此其第六矣北朝一切文物皆以太和間爲全盛其書由八分蛻入今楷痕  
跡盡化而神理固在天骨開張光芒閃溢神龜正光以後諸作雖有其風格已遜其氣  
魄俯視齊隋益等自鄙矣然太和書流傳綦少除前舉五種外惟弔比干文及韓顯宗  
墓誌耳「原註解伯達造像亦太和作品失其年按暉福寺碑亦太和年作」大率傳拓  
漫漶或雜以棗木贗鼎此刻僻在東陲千餘年間委諸野烟蔓草莫或過睨然正坐是  
得葆其璞庸非厚幸耶養菴爲言石質粗鬆再歷年歲慮剝泐頗聞近官斯土者曾僱  
惡工狂拓數千通以爲市恐非久且成沒字碑矣此拓鋒穎若出於劍爲初訪得時試  
拓三十紙之一談太和石墨掌故者烏可輕視之乙丑立春後十日

余按周君養菴當時未向任公言及係刻在石壁上故跋語以爲出土之物也

時

月望  
日

萬佛堂在大凌河邊小山脚下大石窟中拓跋魏太和二十三年（元魏孝文帝名宏

在位凡二十九年即延興五年承明一年太和二十三年其平東將軍營州刺史元景就窟內建廟造像刻記爲皇帝祈福殿中泥佛及壁上造像多已毀壞碑在殿右係就石壁上鑿成寬約三尺許之碑形即摩崖也年代久遠山水變遷碑身之石壁已突出河中丈餘崩裂欲塌而三面懸絕保存匪易其字體雄偉頗似張猛龍碑惜乎殘損甚多僅存約三百字矣又按地方人云碑身之兩圓形破孔係修理佛堂時諸巧者爲紮架無處生根因即碑身鑿兩孔以便放置架木之用碑脚係自崩裂一斜長破縫佛堂中人用灰石屢鑊之致將字體磨滅希世墨寶損於無知者之手殊可惜也余曾於碑壁對面石上題詩一絕云乘興來觀萬佛堂頭陀指點說滄桑孤山遠水爲環護石

窟千年放寶光

已巳冬合肥董天華佩實記

### 萬佛堂元景碑跋

余聞此碑久矣及至斯邑得其拓見字體雄放俊拔暨董君佩實跋語中附記梁任公所跋原文遂益得其詳而知爲水碑中希有之寶也惟既漫漶不堪頗想保存久遠之計當以萬佛堂僅一河之隔擬俟出巡邊地之後再臨觀焉乃未幾盜匪竄擾夏兩河汎於剿匪防北之席不暇煖間又奉令調任卒未果往良用慨然夫以醫巫閭山諸勝境之遠爲余初意未敢必至者竟先得登臨嘯傲題詠寄懷而近在咫尺之元魏名寶



遺跡爲余初意所極欲一覽且朝夕可遊者轉與願違噫天下事往往求之近而得之遠期於意中者每失之意外不信然歟竊冀後來賢令與地方人士有以使茲名勝石窟殘餘碑記勿爲河流泊沒及拓工損毀庶此東北僅有之文化古蹟常留天壤則余之所馨香禱祝者也庚午初秋溧水濮良至倚裝謹跋

萬佛洞碑

王鶴齡

摧殘碑石幾千年信手摹來字不全人太無情留此孔文終有闕倩誰聯福山高與峴山著佛洞因同仙洞傳爲讀泰和元景記驅車爭渡大凌川

前題

趙福永

懸崖古洞幾千年妙刻疏文認不全拾級鑿穿悲鶴煮撫碑辨識孰蟬聯琅嬛福地神仙住風雨殘岩翰墨傳我亦素深金石癖摩挲弗忍去凌川

前題

李兆澤

荒碑斷碣訝何年細考魏文無復全鬼斧鐫劂精石刻佛龕點綴類珠聯懸崖古洞人爭賞近水福山蹟並傳爲讀昔時元景記曉風殘月過前川

將軍大魏太和年元景碑文辨不全字跡模糊恐豕亥推敲上下弗蟬聯可知佛洞爲誰鑿或與凌河相並傳獨立福山左右顧奎樓寶塔隔晴川

建塔碑誌

大明成化十年歲在甲午六月十一日適母堂吳之壽日也左軍都督府都督僉事驃騎將軍王鏊欽奉皇帝勅諭來鎮義州錦州提兵萬騎整飭邊務時駐于萬佛堂僧舍歷觀古之賢人君子用心於佛事者槩因其事而遺其跡萬古不朽也余則玩之不厭嘆之不已遂有感于心而亦欲自附于古之人之所爲乃命指揮錢英史琳率千百戶黃政葉芳紀瑛耿瑛王鏞劉傅春掾史俞文范敏宋玉輩者督工建塔于寺之左願與國之悠久而母壽亦與之無窮矣

詠萬佛堂

李亞夫

山河依舊在古將逐東流久厭豺狼徑扁舟作漫遊

萬佛清幽谷凌川一水長閭山遙在望點綴古同昌

昔人何去兮踪未滅古洞尙存兮香未絕凌水之東流兮何不竭名利之迷途兮何不  
解

詠萬佛堂

隱名氏

古跡原來迥不侔那知經歷幾千秋青山有幸予無幸怎得終朝看水流

詠萬佛堂

育民

甲子中秋桂初黃偕行來至萬佛堂摩拓殘碑爲紀念秃筆粗吟解鬱腸

詠萬佛堂

劉

佛洞深深自古留不知經歷幾千秋萬佛有緣臨勝地難遇緣人又補修

步劉先生原韻偶書

春來夏去不停留洽我來遊刻正秋古洞未坍佛尙在否則今世怎重修

詠萬佛堂

24R 參謀 黃復初 遼中

端陽偶過萬佛台傍碣榴花照眼開禮佛無心僧不識此行仍爲看碑來

詠萬佛堂

閩右凌川北 無養主人 關幼齡

神仙古洞幾千秋率領諸生乘興遊萬物靜觀皆得意又兼凌水赴東流

師生到此樂如何古洞蒼蒼萬世過童子不識亡國恨盤桓奏樂並吟哦

詠萬佛堂

久居 此洞 無名氏

凌水西來向東流文峰寶塔振龍頭萬佛新然開普渡男經女略國無憂

萬佛古洞千百年凌川福地勝從先羣黎那知亡國恨男忠女孝振坤乾

題萬佛堂

丙寅七月同鄭奎五郎 斗南二人遊此特記 吳儉齋

孤嵐見起文峯塔石窰天鑿萬佛堂我欲澈觀十萬里水光礙眼接山光安 南海闡

碑學牛鬼蛇神拱壁即今觀元景悄刃橫矛亦有神

此碑古碑之冠也其文之奇古不可及也其字之奇古不可及也其筆之奇古不可及也其意之奇古不可及也

此碑之奇古不可及也其文之奇古不可及也其字之奇古不可及也其筆之奇古不可及也其意之奇古不可及也

此碑之奇古不可及也其文之奇古不可及也其字之奇古不可及也其筆之奇古不可及也其意之奇古不可及也

此碑之奇古不可及也其文之奇古不可及也其字之奇古不可及也其筆之奇古不可及也其意之奇古不可及也

此碑之奇古不可及也其文之奇古不可及也其字之奇古不可及也其筆之奇古不可及也其意之奇古不可及也

此碑之奇古不可及也其文之奇古不可及也其字之奇古不可及也其筆之奇古不可及也其意之奇古不可及也

此碑之奇古不可及也其文之奇古不可及也其字之奇古不可及也其筆之奇古不可及也其意之奇古不可及也

此碑之奇古不可及也其文之奇古不可及也其字之奇古不可及也其筆之奇古不可及也其意之奇古不可及也

此碑之奇古不可及也其文之奇古不可及也其字之奇古不可及也其筆之奇古不可及也其意之奇古不可及也

此碑之奇古不可及也其文之奇古不可及也其字之奇古不可及也其筆之奇古不可及也其意之奇古不可及也

此碑之奇古不可及也其文之奇古不可及也其字之奇古不可及也其筆之奇古不可及也其意之奇古不可及也

此碑之奇古不可及也其文之奇古不可及也其字之奇古不可及也其筆之奇古不可及也其意之奇古不可及也

此碑之奇古不可及也其文之奇古不可及也其字之奇古不可及也其筆之奇古不可及也其意之奇古不可及也



治城東街路北有奉國寺一俗名大佛寺查碑載始名咸熙創於遼之開泰九年廟貌魁偉爲殿九楹畧作方形高約七丈有奇內塑佛像七尊據續文獻通考七佛一毘婆尸佛二尸棄佛三毘舍浮佛四拘留孫佛五拘那含牟尼佛六迦葉佛七釋迦牟尼佛又據相傳爲南無寶勝南無離怖畏南無庶博身南無多寶南無阿彌陀南無甘露王各如來據佛地論按佛一名金仙一名法王一名尊師一名古先生一名大雄故大佛之額曰大雄殿佛像純係金身坐北向南高約三丈有六考廟內碑文歷代幾經重修起金之明昌繼則元之大德至正明之成化嘉靖萬曆清之康熙乾隆光緒各朝重修不下十餘次所以由遼建設計至現在民國二十年共經九百一十七年

### 大奉國寺長聯

賀 欽

生於周入於漢盛極五代任世態遷移收拾來盡是百千色相  
遵於道埒於儒並稱三教統宗門廣大歸根處惟存一點婆心

倡大教於西方不生不滅迄今數千年後金殿中永存香火  
傳法門於東土無假無真但願一切衆生紅塵內普入慈雲

合掌拜如來來也不必只須向天理人欲辨得清就登彼岸

澄心參大道道在性生但願爾善男信女回頭處便是阿彌大明成化年

己巳十一月二十九日詣奉國寺拈香敬賦二章

濮良至

建始遼開秦於今八百年世間三寶地殿內七尊賢未改莊嚴相常留香火緣煉將女  
媧石願補大西天

虔誠齋戒後今日禮如來法雨隨花落甘棠借地栽佛光期普照河水永無災默禱心  
香在他年壽域開

大佛寺殿

王鶴齡

大雄寶殿勢威雄今昔人稱建築崇廟貌盛傳關內外工程直甲郡西東千秋古蹟存  
因保七佛法身異若同借問老僧何代寺有遼開秦九年中

大佛寺殿

趙福永

崔巍古殿額題雄鬪角鉤心體勢崇飛閣流丹輝上下高亭畫碧峙西東濶輪天地垂  
慈愛德潤山河普大同誓喚衆生都夢醒現身不惜市塵中

大佛寺殿

李兆澤

佛殿由來紀大雄歷朝遊覽每欽崇勢偕寶塔推高下名與閭山鎮遠東數丈法身真  
畢肖千年廟貌果誰同遙看九九層餘剎矗插樓台煙雨中

和王趙兩館長李編大佛寺殿原韻

宿文奎

古殿巍巍題大雄詩家吟詠早推崇牟尼寶座羅台上廟宇宏規甲亞東名勝千秋神

自在堂高萬佛像誰同

城北有元魏萬佛堂石佛像故云

寺前我亦去遊覽寶塔奎樓入畫中



...

...

...

...

...

...

...

...

...

...

...

...

...

...

...

...

...

...

...

...

...

按浮圖在城西南隅係開泰九年處士焦希贊建高十三層八面其最高數層現已坍塌每層每面嵌有銅鏡三枚古色蒼然惟亦脫落多枚矣每面有石刻佛像一座其北面佛頂鑲寶石一塊半寸圓方淺綠色據邑之耆老云昔年時吐光芒人所共見能避水患而祛風塵忽於民元六月爲邑之警務局長尙昌多以槍擊落拾而藏之邑人姜九功等以爲地方古蹟不可破壞圖利尙復還而重鑲之然自是遂無光彩矣合肥董天華記

嘉福寺塔

王鶴齡

古宜城塔鎮西南風水攸關豈俗談如此僧菴空自在問今禪道有誰參臺高送響風磨鏡鈴靜無聲月照潭嘉福寺前閒佇望巍然高矗破雲嵐

嘉福寺塔

趙福永

浮屠高聳市西南建築崇宏父老談八面神仙垂道範一心誠敬好禪參淡雲斜繞陰橫路旭日初升影印潭北鎮凌川消水患遙連萬佛洞峰嵐

嘉福寺塔

李兆澤

鎮河寶塔矗西南鄉老由來不異談面面鏡鈴如墨染巖巖輒石訝天參右窺墻短燈磨電前敞門空月印潭最好高昇紅日照宛然文筆掃煙巖

詠塔臺

孟鈞舟

浮圖矗高臺城闕眼底開磚埋鋪草地月冷上階苔獨鶴人何往孤鴻我又來得閒聊  
駐足大隱小蓬萊

和趙王兩館長李編輯嘉福寺原韻

宿文奎

巍然寶塔矗西南詩繼諸賢敢漫談古佛莊嚴憑地起青雲繚繞共天參頂高級疊形  
如筆鈴鏤榱殘影射潭我亦素深遊覽興也登城上望烟嵐

城隍廟幢

王鶴齡

維幢製自宋時遼相去原來世已遙走看幾經鄉父老珍藏多賴寺僧寮刻文信士名  
空寄勒石工人迹未銷吾邑城隍何代廟階前矗立梵言標

城隍廟幢

趙福永

十三經刻鬻宮碣萬禩昭垂法統遙梵語又傳王太子偈言克紹衆僧寮修文地下官  
真宰勒石人間字未銷莫說茫茫無六道知生知死魯論標

城隍廟幢

李兆澤

何事佛幢創自遼難求真相世云遙撰文宛轉類經卷偈語模糊証友寮石上寺僧皆  
隕謝碑中鄉宦盡磨銷徬徨撫此思因果善惡從來是榜標

按王公墓碑中三行字大文曰有元鎮國上將軍中衛親軍都指揮使王公墓左右字小左文曰翰林學士中大夫知制誥同修國史劉賡字熙載謹書右文曰至大二年十一月十一日男宣武將軍中衛親軍都指揮使□□立石

王珣墓

王鶴齡

王珣古名將佩刀天寶相人刀今俱杳空留墓無恙

王珣墓

趙福永

國危重在將國安重在相王珣將相才千古墓無恙

王珣墓

李兆澤

或贊珣良將或贊珣良相將相皆虛名此墓獨無恙

詠嶺西小屯圈臺七絕二章書以贈鄒獻廷先生

王鶴齡

借問緣何築圈臺而今額石點蒼苔小屯留此古遺蹟竟任荒涼門自開

昔當有用今無用便是黃金土一堆人亦登臨憑弔否幾經暑往幾寒來

其臺有石額一曰嶺西小屯圈臺左有文曰奉旨原任備禦署指揮簽事郭衛民管工把總實授百戶戴立名右有文曰萬曆二十一年十月吉旦立

辨懸賞好官以疏立言亦亦文曰萬部二十一季十日吉且虛

其論亦亦謂一日論西小事謂為亦亦文曰奉旨是為爾等皆能事也

昔常亦亦謂中論其勇長黃金土一派人來登臨應事否然殊替并銀米

昔聞蘇同梁開臺而今還江堤看昔小事謂古盤羅資計流新門自開

結謝西小事謂亦亦謂二亦亦以和和和和張張張

與書與與與與與與與與與與與與與與與與與與與與與與與

王臨款

李洪款

國款重亦亦謂國安五亦亦王亦亦亦亦亦亦亦亦亦亦亦亦亦亦亦

王臨款

王臨款

王臨古亦亦謂亦亦亦亦亦亦亦亦亦亦亦亦亦亦亦亦亦亦亦亦

王臨款

王臨款

一廿十一日亦亦亦亦亦亦亦亦亦亦亦亦亦亦亦亦亦亦亦亦

小亦亦亦亦亦亦亦亦亦亦亦亦亦亦亦亦亦亦亦亦亦亦亦亦

對王公慕與中二亦亦亦亦亦亦亦亦亦亦亦亦亦亦亦亦亦亦亦亦

城樓遠眺

濮良至

垂老天涯作壯遊，臨渝關外此登樓。  
四圍山勢都平等，廿載官身敢自由。  
爆竹春聲除舊歲，梅花鄉夢寄新愁。  
三邊咫尺詩情遠，試問吟鞭幾日休。

和城樓遠眺原韻

蘇毓芳

數載韜光息宦遊，偶隨琴鶴去登樓。  
萬流起滅憑誰定，一水東西任自由。  
過眼雲烟經世變，關心桑梓動春愁。  
多情爭說慈航好，普渡斯民總不休。

和城樓遠眺原韻

王鶴齡

好將文字結交遊，幾輩才高造鳳樓。  
社事逢春添唱和，志書從古述緣由。  
柳眠彭澤人初醉，花滿河陽蝶不愁。  
敢向吟壇誇敏捷，詩成應許鉢聲休。

和城樓遠眺原韻

李兆澤

可是尋常汗漫遊，巡春人日試登樓。  
羣山對我欣如拱，萬戶能誰出不由。  
遍野晴光風送暖，故園春訊雪消愁。  
眼前景物及時賞，城外梅開尚未休。

和濮縣長蘇監督王趙兩館長李編輯城樓遠眺原韻

宿文奎

久厭萍蹤作宦遊，歸來無事去登樓。  
濫竽分校慚何勝，里乘新修讀有由。  
雲擁閭山添畫稿，波翻凌水瀉人愁。  
羣賢唱和詩傳集，容我長吟那肯休。

登奎星樓

濮良至

一角東南地城樓最上層諸山環四面元日我先登覽勝情無限防邊力未能與民此  
同樂新社得詩朋

和登奎星樓原韻

王鶴齡

誰摘魁星去危樓第幾層山昂頭欲俯雲讓足先登鄉思詩何在邊籌筆未能忘書久  
衰老猶似憶良朋

和登奎星樓原韻

李兆澤

借作文峯聳城樓第一層遠山欣拱抱高第許連登野景臨無限新詩賦未能憑欄今  
得地驥附社中朋

奎星樓

王鶴齡

樓以奎星名是取文風振奎星今已無興廢一轉瞬

奎星樓

趙福永

城隅矗奎樓昔頽今復振無須慨廢興天地不一瞬

奎星樓

李兆澤

樓以奎星名文風及時振而今樓已空興廢同一瞬

和濮縣長王館長李編輯登奎星樓原韻

宿文奎

誰把奎星撒樓空  
賸幾層文風曾點綴  
高處任攀登  
去鶴思常在  
聞鷄舞未能  
城隅添韻事  
託詠結良朋



...

...

...

...

...

...

贈魚石

考承德府志卷二十九物產金石類朝陽縣西北山中石不甚堅層層可剝各有魚形

隨剝隨異土人名曰魚兒石

建昌縣亦產此石

清聖祖製有格物編高宗製有魚石屏歌并序我

義西南之金剛山北處有魚石嶺亦產此石

醫士趙鴻文大佛寺僧靜慈俱藏有此石

雖不足爲特庶可殿朝陽

魚兒石鶴莫贊一辭謹附錄清聖祖格物編高宗魚石屏歌序移贈斯石石無知則已

若其有知用敢以誰毀誰譽請恕

二十年四月十五日

清聖祖御製康熙幾暇格物編

喀爾沁地方有青白色石開發一片輒有魚形如塗雌黃或三或四鱗首尾形體俱

備各長數寸與今所謂馬口魚者無異揚鯉振鬣猶作鼓浪游泳狀朕命工琢磨以裝

硯匣配以松花江石誠几案間一雅玩也嘗讀水經注及酉陽雜俎言衡陽有石魚山

石具魚體宛若刻畫又池北偶談述汧陽縣有石魚溝取石破之兩兩成魚可以辟蠹

故宋人石魚詩曰相傳此石能辟蠹功在琅函並玉儲然未有如斯之纖悉克肖者也

其與石俱生耶抑魚之化如零陵之燕海南之蟹耶物理之不可全窮又如此

清高宗御製魚石屏歌序

向見酉陽雜俎載衡陽湘陽縣有魚石山山石色黑理若生雌黃開發一重輒有魚形

鱗鱗首尾若畫長數寸燒之作魚腥又重慶江心有雙魚刻石上每一魚三十六鱗見則歲豐云云夫石上刻魚世或恒見至開石自具魚形則非人力所能爲疑爲烏有誕論而已今過土默特部落路南有所謂撒哈河灘者土人種田掘地得石剖之有魚形復剖之則復見大寸許小數分許銜尾比目若游泳然乃知古人所載必有其徵誕在此實即在此製以爲屏不異王振鵬魚藻圖也

清高宗御製魚石屏歌

造物有無宗元疑石中魚形誰所爲雕琢不到繪難揮又非其中置鯤鯨擘開紋理紛  
鏤奇鬻甲刻畫噉喙姿永免麗罨及黏徽漫應漑釜膾銀絲琴高仙駕或其遺不然善  
眩如條枝殖瓜種樹幻術施冠冕秋化石不移元王沉璧洛水涯化玉未聞仍孕其湘  
鄉奇蹤向謂虛叶事必有偶今始知詭談詫蹟序若斯折中理氣繫予思是地昔必潦  
水滋水退魚存僵淤泥歲久土變石理宜試看易剖片片披宛然藻潛還浪吹寓形得  
所壽可期磨而不磷涅不緇製屏堪陳筍席垂兆維豐年念在茲

凌河義橋

王鶴齡

凌河兩岸距離遙入夏爭將舟子招寒逼應成車駕路資輸共築木樑橋  
龍鼉是架嗤周穆漆洧之輿讓鄭僑不索金錢稱便利吾鄉義舉至今標

凌河義橋

趙福永

水冷霜寒驛路遙渡人舟子日招招農民病涉嗟窮策商賈輸財建義橋  
茅店鷄聲通客旅萍波雁齒便行僑同昌善舉昭遼熱且願佳名萬古標

凌河義橋

李兆澤

凌水茫茫兩岸遙渡河人士喚招招實因貿易通銷路每值寒涼築義橋  
輪鐵無痕南北便寸金不索往來僑吾鄉斯舉空三省直到於今美善標

和王趙兩館長李編輯凌河義橋原韻

宿文奎

凌水烟波沙岸遙臨河舟子遠招招淵深冰薄思難渡地冷天寒建義橋  
風送征塵車馬路霜留人跡往來僑也歌善舉學題句驥附詩名塞上標

異國留人提拜來謝由輝善舉學問時時稱頌  
冷寒土附

彭水嚴近村卓派編河良干彭州附照照有  
新機恩謝送照名天寒重錄錄呈送登廟事

麻王凱兩語是幸謝賜與所壽謝烈也

附文差

北豐中心不來封來謝吾嚴慎舉空三首由重外今美善對

彭水著基兩嶺蓋通河人士知照附實因實長辰險  
舊封盛來高榮壽謝謝賜其南

彭水壽壽

李洪敬

喜慶有知輝謝日謝同昌善舉謝靈慶且願封  
冷萬古謝

水帝靈軍靈軍人供午日掛旗傲如陣將  
烈烈重南實謝封里壽謝來召謝壽版

彭水壽壽

彭水

異國留人提拜來謝由輝善舉學問時時稱頌  
冷寒土附

彭水嚴近村卓派編河良干彭州附照照有  
新機恩謝送照名天寒重錄錄呈送登廟事

彭水壽壽

王謝

義縣政府

在東街路南金爲弘政縣令署（遼置在城東北二十五里金天德三年移此）元爲義州州署明爲廣寧後屯衛署（洪武二十五年置在遼舊懿州永樂八年徙此）清初爲廣寧縣義州巡檢司署（係康熙十五年）又爲九官台管邊同知署（係雍正十年）後爲義州州署（係雍正十二年）民國初元仍之二年爲義縣公署十八年爲義縣政府

義縣志前卷之一目錄書終